

# 永樂大典

三

卷五千三百四十

永樂大典卷之五千三百四十三

十三蕭

潮

潮州府

總圖

歷代序文

建置沿革

星分野

道里

歸附始末平潮始末

風俗形勝表儀

城池教場營寨橋道街路

壇場社稷壇風雲雷雨山川壇無祀鬼神壇

戶口

永樂大典卷之五千三百四十三

一

田賦田賦夏稅吐絲鹽課既課

土產土貢

官制

公署州治形勝衙門倉庫館驛鋪舍申明亭養濟院

學校儒學文廟宣聖堂書藉學廩貢院解額書院書院康田

古蹟碑木閣

官蹟

人物題名卓恩宗室爵里志孝節義仙釋

紀異

山川山巖石湖西湖子湖瀨洲瀆


宮室樓臺臺齋家廟寺院庵堂園宮觀

保里坊表

津渡


堤岸

文章雜文題詠碑刻




永樂大典

卷五三四三









永樂大典

卷五三四三






十四



# 永樂大典

## 卷五三四三



建置沿革

大明清類分野書禹貢揚州之域章牛分野 秦屬南海郡後屬南越漢為揭陽地後屬南海郡晉成帝咸和六年分南海立東官郡義熙九年又分立義安郡及海陽縣宋齊並因之梁置東揚州又改濠州陳罷州為義安郡隋罷郡置潮州大業中罷州為義安郡唐武德五年復為潮州天寶元年改潮陽郡乾元元年復為州五代屬南漢宋開寶四年分廣南為東西路而潮州屬東路元改為潮州路

本朝洪武二年改為府圖經志晉成帝時屬東官郡安帝義熙五年始以揭陽縣地別置義安郡領縣五曰海陽絳安潮陽海寧義熙 梁改義安郡為東揚州尋改為濠州 隋改濠州為潮州煬帝大業三年改州復為義安郡唐武德間改郡復為潮州開元二十一年隸福建次年復隸嶺南天寶元年改州為潮陽郡隸福建元年又隸嶺南乾元元年改郡復為潮州廢海寧萬川二縣領縣三曰海陽潮陽程鄉 五代南漢割程鄉縣置敬州本州領縣二曰海陽潮陽 宋紹興十年本州領縣三曰海陽潮陽揭陽元至元二十七年以本州為潮州路總管府領縣三曰海陽潮陽揭陽

水樂大典卷三千四百三

聖朝洪武二年改為潮州府領縣四曰海陽潮陽揭陽程鄉案宇記秦末屬尉佗漢初屬南越後屬南海郡東漢因之晉置東官郡又分置義安郡接南越志云義安郡本屬南海郡後隸東官郡晉義熙八年割立其地與晉安郡接壤吳興餘抗隣界是也歷宋齊因之隋平陳置潮州煬帝初置義安郡 元領縣三 今二 海陽 潮陽 一縣割出 程鄉為梅州 元城志縣二 熙寧六年廢梅州 以程鄉隸梅州 元豐五年程鄉復隸梅州 潮州湖陽 郡軍事治梅陽縣與地紀勝潮州 湖陽 義安 瓜城 野清 仙陽 海陽 禹貢揚州之域通典潮州郡揚州之部封漢武平南越後屬南海郡 今州即漢南海郡之揭陽縣地此後元和郡縣志而通典亦以為漢揭陽縣地又西漢志南海郡下並有揭陽縣宋齊因之宋齊二志義安郡下並有海陽潮陽二縣隋末陷於寇境唐平蕭銑復取嶺南嶺南僅歸揚世畧以循潮二州來路通鑑在武德五年元和郡縣志云武德四年復置潮州案宇記以為武德元年復置潮州不同案之謹按通鑑武德元年蕭銑借位於江陵魏之境上來自九江西抵三峽南直交趾北距潯川魏嘗有之至武德四年九月始平江陵至武德五年始定嶺南則元年四月尚屬蕭銑通鑑武德五年始置潮二州始來路則改郡為州嘗



在武德五年。而元和志業字記本月非是。今不取。五代為南漢所有。五代  
史南漢劉隱傳。載初盧光顯據虔州。其弟光睦據潮州。子延昌據韶州。隱  
以兵事付龔。龔遣出兵攻虔盧氏。取潮州。二州。龔字記云。南漢劉隱。直  
海州。宋平嶺南。地歸版圖。元朝通畧。在開寶三年。分隸廣南東路。至道以  
後。分廣南為東西路。而潮隸東路。令領縣三。治海陽。方輿勝覽。事要。郡  
名。潮陽。古濠。鳳城。以鳳城山得名。金城。以是州舊屬於金城。鍾清。  
以鍾清名。三陽圖志。元平江南。至元二十七年。大籍戶。以本州為中路總  
管府。於城內設錄事司。城外四廂隸焉。所領縣三。鹽場三。小江。注水。  
陸井。寨九。北山。古安。竹岡。三河。楓洋。黃內。北寨。州已。  
蛇浦。元一統志。宋開寶四年。平嶺南。有其地。至道以後。分廣南為東西  
路。而潮隸東路。元至元十五年。唆都元帥奉命攻取。宋裨將馬發閉城抗  
拒。唆都擊破之。地歸版圖。十六年。改為總管府。以孟招討鎮守。未幾。移鎮  
漳州。土豪各據其地。二十一年。廣東道宣慰使月的迷失。以兵來招諭。既  
去。二十三年。復來為江西等處行樞密院副使。兼廣東道宣慰使。以鎮臨  
之。今始底定。設錄事司。元貞元年。以梅州來屬。今領州一縣三。錄事司。  
舊無有。至元二十二年。始置。割海陽縣。郭外四圍六保。分隸焉。

永樂大典卷三十四十三

九

分野

圖經志按杜氏通典。潮在古揚州之域。亦曰古閩越地。於天文為牽牛婺  
女之分也。

至到

圖經志本府。東至本府海陽縣地名東界一百五十里。外抵大海。西  
至惠州府海豐縣界龍岡鋪二百五十五里。自界首到惠州府五百五十  
三里。共八百八里。南至本府潮陽縣隆井鹽場一百四十五里。外抵大  
海。北至本府海陽縣至名驛錢山界三百四十里。自界首到福建汀州  
府五百一十里。共七百五十里。東南至本府海陽縣地名閩望村一百  
五十里。外抵大海。西南至惠州府海豐縣石橋鹽場二百七十八里。外  
抵大海。東北至福建漳州府漳浦縣嶺脚山分水界一百六十五里。自  
界首到漳州府三百里。共四百六十五里。西北至本府程鄉縣管下龍  
牙峯險山四百五十里。外無路通行。詳縣志。州境東西三百五十里。南  
北八百七十四里。四至八到。東至七十七里。東至漳州二  
百九十九里。西至梅州三百二十里。南至海一百七十里。北至汀  
州九百五十四里。東西至漳州二百九十九里。西南至惠州一千一

百一十里。東北至汀州九百四十里。西北至梅州三百二十里。東至汀州境東西五百五十里。南北二千三百里。四至八到。西北至東宋七千里。西北至西宋七千四百里。西北至長安七千六百里。東至漳州七百五十里。西至福州界石塘三百里。東至大海一百里。北至虔州寧都縣二千二百里。東南至海口九十里。西南到橫州海豐縣水步鎮六百五十里。西北到虔州安遠縣一千八百里。東北至汀州縣鎮六百五十里。元無陸路。九域志東宋七千七百一十里。東至本州界九十九里。自界首至漳州二百里。西至本州界二百八十里。自界首至梅州四百里。南至海一百七十里。北至本州界七百四里。自界首至汀州二百五十里。東南至本州界一百四十里。自界首至漳州一百五十九里。西南至本州界六百五十里。自界首至汀州二百九十里。西北至本州界二百里。自界首至梅州一百二十里。三陽志州於廣府為極東界上由東而西三百五十里。由南而北三百八十里。去行在所三千一十有二里。東界于漳。南界于惠。西界于梅。北界于汀。東南西北之間亦是四州。接與達于海而已。通輿所紀乃云。北至南康郡千五百六十

永樂大典卷五千三百四十三

十

有七里。而南康郡亦云東南至潮陽郡一千五百六十有五里。雖與今之地勢違。然州於唐初隸江南道。而南康與贛州向互為廣。置贛州或為南康郡。則界于南康。理則然也。若夫由惠至廣。不過五日。舟行亦止三四日。通二十有一程。韓昌黎謝上表乃云。去廣府纒二千里。來往動皆旬月。筮其自梅溪一水泝流而止耶。今之趨廣間有百自循梅往者。較諸南路為差近。但嶺路險澁。不若南路之坦且平。周志云又逆流之速。不若陸行之疾也。由廣至韶。雖曰泝流。亦不過十餘日。通而言之。亦不過月。公之泝史詩。至韶陽作也。乃曰。下此三十里。有州始名潮。恐亦不至若是其速者。其詩又曰。州南十數里。有海無天地。今日南達于海。其地曰鮑浦。去州八十里。由東而達。其地曰小江。亦將五十里。蓋不止于韓公所云也。圖志云韓詩云。然蓋未可統。無乃十數為數十耶。姑記之以待知者。本州界至。東至本州界百一十里。自界首至漳州三百一十五里。南至本州界二百六十五里。若徑渡龍井。即減四十里。自界首至惠州四百四十五里。西至本州界二百三十里。自界首至梅州一百五十里。北自九河上計六程。北至本州界七百四十里。自界首至汀州二百五十里。北路道陸崎嶇。難為往來。舟行差使便。又不以程途計。元一統志本路東至上

# 永樂大典

卷五三四三

都七千三百八十里。東至大都六十五百八十里。東至漳州路漳浦縣界分水嶺百四十里。西至漳州程鄉界峽度牛嶺一百五十里。南至大海本路海陽縣界開望村八十里。北至漳州程鄉縣界雙流津三百五十里。東到漳州路五百里。西到梅州七百里。南到大海邊開望村八十里。北到梅州五百里。東南到大海邊小江場六十里。西南到揭陽縣界三十五里。東北到汀州路一十一百里。西北到梅州六百里。錄事司。里至與本路同。

## 歸附始末

圖經志潮自至正壬辰下嶺海寇起。與山峒徭僚相扇。攻破潮揭二縣。人民依險防守。自保豪強各據其縣。十有餘年。後有江西福建兩陳氏攻。狡不一。丁未冬。大兵下七閩。潮之守土者往泉州迎大兵。納款。洪武元年三月。

朝廷始調兵守禦。潮民得以安其生矣。三陽圖志元平潮州始末。至元十三年丙子。李德林元年也。宋知州葉侯得解。振大兵已下臨安府。又聞江西湖南皆降。時元帥易正大統兵來潮。葉侯驚懼。以印授通判蔡某。自逃去。宋主益王廣王船泊廣之崖山。在廣州新會縣八十里。遣安撫使方興

永樂大典卷五百四十三

十一

來潮。魁諭易正大兵走梅州。四郊多壘。郡人馬發為推鋒。蔡正將與推州。蔡李遠不睦。蔡退去。發乃推州人。稱馬安撫使。十四年丁丑。正月十七夜。安撫發大設宴。俄而省鎮撫忽魯渾統兵到潮陽縣。先驅一人。乙夜入城。諭降。十八夜發率兵遁去。于州後鷄籠潭。大兵驅至。與之接戰。未幾。大兵不利。棄去。十五年戊寅。正月二十七日。唆都蒙古歹又統大兵。并郡豪陳五虎兄弟陳懿等圍城。馬發勒兵閉守。城中軍民乘城詬罵。大兵不勝。其忿。至二月二十九日。守南門。巡檢黃虎子擊書。矢上射出。與陳五虎等通謀。約潛開城門。納大兵。已而黃虎子從城東偏絕出。城門不守。大兵鼓譟突入城。遂隔焚民室。廬火燭亘天。城中居民無噍類。已而黃虎子亦為陳五虎所屠。馬發遂收殘卒百餘人入于城。拒守。勢窮。乃彈。至三月初一日。其妻妾皆縊死。發亦自鴆于城。身亦破矣。大兵北歸。乃遣陳五虎兄弟權知州事。五月漳寇陳吊眼復來潮。民殺掠殆盡。與陳五虎兄弟交戰。不日敗去。十一月。行省參政李恒。江東宣慰使張弘範。督師南征。至潮陽縣之和平村。獲宋丞相文天祥。不屈。執之以歸。自是數年干戈。捨攘生靈魚肉。惟陳五虎家。迫令責富。蓋有切於元者也。至元二十一年甲申。樞密副使月的迷失來潮。分揀散兵歸農。時丁侯聚眾守此邦。遣黎自此始。觀天日。



比年以來。皇風清夷。恩波洋溢。嶺海之間。如在輦下矣。

瓜俗形勝

圖經志湖之分域。據于廣實古閩越地。其言語嗜欲與閩之下四州頗類。廣惠梅循孫土音以與語。則大半不能譯。惟惠之海豐於潮為近。語音不殊。至潮梅之間。其聲習俗又與梅陽之人等。州人之知書者。或以為自文公始。雖然。趙德潮人也。人不知學。莫而有德。德蓋其知名。公請置鄉校。購亦曰。進士明經。百十年間。不聞有貢于王庭者。則非真然不知學也。公之意。豈亦勉邦人為進取計。有若閩之舉進士。自歐陽詹如之意耶。至列趙子詩。則曰。海中諸山中。幽子頗不無。蓋德之學行。見於韓集。一叙其隱居求志。不屑於宜春之行。則其當時同門。合志若德之輩。行者不無人也。自是以後。業儒者益衆。太平興國間。始有聯名桂籍者出。故陳文惠公送潮陽李牧主簿詩。潮陽山水東南奇。魚鹽城郭民熙熙。當時為撰玄聖碑。而今風俗鄙魯為。蘇文忠公作昌黎廟碑云。潮之人士。皆篤於文。行廷及齊民。至于今。號稱易治。州之士風。其槩如是。郡縣志唐皇甫湜撰韓文公神道碑云。貶潮州刺史。洞究海俗。海夷陶然。掠賈之口。計庸免之。未相直。輒與錢贖。及還著之。故今蘇軾作潮州韓文公廟碑云。始潮之人。未知學。

永樂大典卷五十三百四十三

十二

公命進士趙德為之師。三陽志郡以東。其地曰白窰。窰曰水南。去城不五七里。乃外操一音。俗謂之不老。或曰韓公出刺之時。以正音為郡人。海一失其真。遂不復變。市井間六七十載以前。猶有操是音者。今不聞矣。惟白窰水南之人。相習猶故。吁。文公能一潮陽之人。於詩書之習。獨不能語音變哉。是未可知者。至別趙子詩。曰。海中諸山中。幽子頗不無。相期風濤觀。已久不可渝。則當時若德之輩。行而不以姓名顯者。不無人也。以德而不屑於宜春之行。韓集一序。且與文公相表裏。則德之輩。行之人。有未易窺者。尚所謂業成貢于王庭者。豈至是而後有見哉。州之舊俗。婦女往來城市者。皆好高髻。與中州異。或以為椎結之遺風。嘉定間。曾侯璽下令諭之。舊俗為之一變。今無復有繫粧者矣。故曾侯元夕嘗有詩云。居民不許燈前語。游女新成月下粧。蓋紀實也。三陽圖志其聲俗。未漢與中州。猶異者。婦女妝本青蓋。多遊街陌。子父多或居。男女多混淆。宴集婚嫁。或不伴媒妁。是蓋教化未洽也。為政者。可不思所以救之哉。元一統志。初入五嶺。首稱一潮。土俗熙熙。有廣南閩嶠之語。人文或或。跡韓公趙德而來。稻再熟。而籛五收。鳳翔集而。鯉連徒。掃除青草黃茅之瘴。舊琴第十洲三島之僊瀛。余崇龜文集云。潮陽舊俗。蠻鴉居多。自韓文公守潮。命趙

德為師。人始知學。王大寶以諫被風。未動朝端。士負氣節。孝宗嘗問大寶潮風俗如何。大寶對曰。地瘦我松栢。家貧子讀書。習尚至今。然潮陽志云。城號鳳樓。俗傳鯉徒。余嘗在文海。氣昏昏。水拍天。韓文公詩。州南數十里。有海無天地。颶風有作。掀冥真差事。文公詩。州之南境。漲海連天。毒霧瘴氣。日夕多作。韓文公潮州謝表。閩南西越之界。韓文公所作少府胡公碑。輿地紀勝能一潮人於詩書之習。州人知書自文公始。潮陽圍城。指得再熟。蘇亦五收。葉子記。大海在其南。韓退之。鱷魚文。潮之州云。鱷魚指鱗。不暴天物。皇亦持正果。韓文公神道碑。公為州刺史。洞獠海夷。固然運生。云云。州之南境。漲海連天。毒霧瘴氣。日夕發作。退之潮州表。且所領州在府南。任東界。海流壯猛。颶風鱷魚。志偶不測。云云。閩南兩越之界。韓文少府。並州公。是碑。東越王餘善至揭陽。漢書。東越王餘善請以平八千人擊南越。王揭陽以風波為解。即此也。一潮州耳。或曰。金城者。以是山舊屬于金氏。曰。鳳水者。以鳳凰山一水緣溪而出。曰。鯉渚者。以韓公驅鯉之舊。曰。揭陽者。蓋有取於古之舊縣。曰。潮陽。蓋有取於今之郡名。周程序。方輿勝覽。在廣府極東。韓愈潮州謝表。且所領州。云云。界上去府。韓云。才二十里。然來往動皆經月。過海口。下亞水。海流壯猛。難計程期。颶風鱷魚。志偶不測。州南近不漲海。連天。毒霧瘴氣。日夕發作。日夕多病。年方五十。髮白齒落。埋不久長。居瘴癘之地。且與颶風鱷魚。苟非陛下哀而憐之。誰肯為臣。古者。

氣候

圖經志。表孫無忌作隋志云。嶺南二十餘郡。大率土地下濕。多瘴癘。韓公謝表亦云。毒霧瘴氣。日夕發作。蓋因地卑土薄。陰陽之氣偏。一歲之間。暑熱過半。晝燠夜寒。晴燠雨寒。晨夕霧昏。春夏雨淫。潮之氣候。大抵然也。然今此州。民物繁夥。風氣頓殊。至今或有霜霰。非曩日比矣。至若寒暄不時。嗜欲無節。則在在皆瘴。又在調護何如耳。陳文惠公寄題漳浦縣詩云。漳浦從來瘴霧深。潮陽南去更難禁。當時三載曾無事。不效閑愁入寸心。此真禦瘴方也。

城池

圖經志。城池。教場州。州舊有子城。以金山為固。州之外城。以土為之。歲久頽圯。紹定間。王侯元應。因舊基築之外。砌以石。自三陽門之南。西北環抱。接于金山之背。計九百五十一丈。東西南北。開七門。以通往來。元兵至潮。平城以後。不復興築。大德間。郡守帖里太中。復備東畔濱溪之城。謂



之堤城。以禦暴漲洪流之患。民以為便。至正壬辰。因山海寇盜生發。廣東  
帥府照磨彭本立總戎始興工脩築。湖民得堡障。

聖朝平領南。洪武元年冬。指揮俞輔統兵來湖。越四年。因舊基而再興。內外  
皆砌以石。高厚堅緻。各門外築甕城。皆屋其上。為門七。東門。上水門。竹木  
門。下水門。南門。西門。北門。十年。指揮曹貴扁南門曰鎮。南北門曰望。京新  
柳西門曰安定。餘皆仍舊城。濠環繞。自南門至金山後。三陽志城郭。州之  
子城。依金山為固。前倪而後仰。由南而北。繞以濠。東則溪也。方柳置之始。  
土工不堅。未期悉圯。宋皇祐間。懷智高。自邑攻廣。鄧猶外全壁以待。至和  
政元之九月。鄭侯仲始至。不二月。與春餅。自農務外。八閱月而就。紹興初。  
蔡寇掩至城下。攻具百出。屹然不為之動。凡寇冠于內者。賴以免。其外郭故  
以上為之。久且秀。紹興九年間。徐侯涯欲接溪流帶湖山。去天慶觀數百  
步。為之基。築具畢備。乃固可為。繼因議論不協。於是輟其役。迨十有四年。  
李侯廣之乃移以自近。址循濠流。故基為之。四廂居民。各築其地。繞及丈  
餘。莞石且半。會督役者。故出入其基。訟者紛然。李侯怒而罷。故址今悉為  
民居。遇有少警。遂皇皇然無寄足之所。雖有子城。無地可容。因州之湖典  
已。子城外帶郭而家者。西南北各五里。東以江水隔。民居纔二里。直州而

永樂大典卷五千三百四十三

十四

前為街三。從一卷陌貫通所闕者。外郭耳。餘見于圖。州子城門三。東西  
南。東門今廢。子城四圍九六十步。高二丈有五尺。面廣一丈。基倍之。濠  
面闊七丈五寸。自城下轉西而南。繞郭之外。延東一千二百餘丈。三陽  
門郭之南門。結構其上。舊曰揭陽門。存古也。常公始創。林公增崇。舊  
基而新之。更其扁。蓋取三邑。皆以陽名。外城舊基。周圍一千一百七十  
丈。石城僅存者。九十有四丈。土基半存者。六百六十有六丈。為民居所使  
無復遺址者。四百一十丈。今所使不止。是淳熙間。提刑司行下。委官打量  
外城。總計一千五百三十丈。與舊城丈數異。今兩存之。右按外城自李  
公廣之。輟役後。故基日就侵削。郡有築城之請。屢矣。殆成文具。淳熙間。沈  
寇迫境。城市之民。避於子城。什不容三二。濠流自子城外西。漸入于湖。湖  
未流。又入于濠。慶元間。有感於陰陽者。謂濠流而西。不利于郡。鑿堤為二  
閘。間取諸郭門之石。以完之。決濠流東入于溪。地勢東仰。西流如故。後溪  
洪暴漲。反導水清。沈公祀率居民。負土石以塞之。僅免水患。濠復故流。  
然民居久。侵官壕。填塞過半。開禧改元。趙公所為。正濠之界。稍加疏濶。濠  
流僅通。然築外郭。故濠當復有為長遠慮者。州之外城。右有舊基。歲  
久頽圯。外無扞蔽。居民每以為慮。始定。因有梅楊陳冠之警。王侯元應

永樂大典

卷五三四三

從邦人請。適分委州縣曹掾。及富民有材幹者。董以判官俞林。因舊基築之。外甃以石。特志於遠成。客土未實。亡何壞者。過者許。伏思。龍復築之。適稍堅緻。自三陽之南。西北環抱。接于金山之背。計九百五十一丈。由北距女牆高一丈五尺。西北開五門以通往來。正西曰育英。西北曰湖平。正北曰鳳鳴。對岳祠曰和福。與南三陽而六。由是居民恃以無恐。瑞平初。葉侯親復撤廟宇。延視。即兩所壞處。為之脩補。然城之內面。未及累甃。嘗有繼而成之者。州治之東。溪界于左。循梅舟筏順流而東。直至于城下。扞禦之備。視三方尤為要害。此方空闊。南西北雖有城。與無城同。瑞平初。葉侯親下車。未幾。首慮及此。慨然有興築之意。然工役繁浩。所費不貲。捐公帑之外。適喻諸座戶。俾佐其費。人樂輸之。遂東自新城門。沿溪傍岸。築砌以石。至于三陽門之南。首尾與舊城聯屬。計五百五十丈。高二丈。雉堞與焉。仍結四門以通水陸往來之道。於是城郭固密。民居其間。始有安枕之樂矣。是役也。判官趙汝瑞。縣丞趙少也。實監督之。然始創。亟於圖成。多因居民水閘舊址。未免四斜屈曲。瑞平丁酉。劉侯用行重新。整砌。雉堞壁立。不復如前日之榮。迂矣。州之外城。及沿溪一帶。城壁。歲大材。堞。推利。想門。較傾。淳祐丙午。陳侯土。僦工葺理。環雉堞四千餘。而一新之。城樓之頽圯者。若登瀛。若三陽。若育英。若和福。若湖平。若鳳鳴。一一更創。以至城北隅之新路。三陽門東西之二東。舊雖有門。而樓櫓闕然。今皆鼎建。扁其東曰開泰。西曰通利。北曰崇恩。周環相望。規模視昔尤勝。城之旁。草木屏翳。至是分隸營寨。兵卒悉剗鋤之。保障為之屹然。是役也。糜金錢二千四百餘貫。三陽圖志元混。一天下。至元戊寅。大兵破湖。迨至甲申。樞密使月的迷失散軍平城。以後。不復興築。大德間。郡守太中帖里中。復修東畔濱溪之城。謂之陔城。以禦暴漲洪流之患。民以為便焉。

教場

圖經志。教場在城南門外西南。三陽志。小教場在子城外之西偏。大教場在舊熙春園之側。舊教場高。額曰。四面空曠。春秋大閱。兵民宜雜。今修于宇。華外。原門制。平律。康。自趙公。所。始。推鋒軍教場在寨門之外。

營寨

三陽志。州兵有四。曰禁兵。曰廂兵。曰鋪兵。曰土兵。禁兵四營。總而曰澄海。內有第六第七第十九第二十五指揮之別。今千有二百人。廂兵之名有四。曰清化。曰平城。曰城。而曰作院。各為一營。計三百八十有四人。鋪兵無

別營。隨地散處。正百五十有三。人主兵之名有五。曰月巡。曰潮梅。曰小江。曰赤砂。曰鼓樓岡。分為五營。計五百人。總而言之。二千一百三十有七人。州所以自備者。蓋如此。惟推鋒一軍。自四十年前。蓋未之有。紹興初。秦寇掩至城下。是時承平日久。兵不素練。莫敢誰何。所幸土豪率民兵曰召募者。相與守禦。月過却。秦寇既滅。它寇崛起。布滿山谷。為害益滋。潮梅備患實均之。朝廷始命四統制兵曰中。曰趙。曰單。曰韓者。控扼要害。蕩滌無餘。且慮後患之叵測也。乃留韓侯京一軍。駐于循陽。隣郡各分若干人。以備不虞。遇有警急。參錯為用。前此者。州有千二百人。繼復起發。僅存七百人。自後分戍不常。或五百。或三百。或止二百。迄無定數。統以一將。或二將。蓋精兵已耗之後。張侯寧繼之。猶治于循。張既罷。上命統制一員。總于詔餘州。悉聽其節制。本州於屯駐人外。在循州諸軍。且給其餉。既無慮於山寇已乾。道三年間。海寇暴作。剽略民居。漫不可跡。太守傅公。自循既撤。論以利害。備知光州。熊飛者。特為鼓樓岡。巡檢。傅公命飛躬往。開營。賊留飛為質。遣偏裨五七人。先詣公庭。受傅公所以約束者。閱數日。黨類八十人。悉投戈棄舟。徒手而造。郡治下其故。為農商者。公令復業。百不問。有逃卒之無歸者。請于朝。得資。初水軍一寨。以收其衆。且撫且招。今百七十有

永樂大典卷五十三百四十三

十六

六人。茲以統轄一員。本路帥司是練海道。有警固可倚為用。而平居無事。尤賴控制之有術焉。澄海第六指揮元額管四百人。澄海第七指揮元額管四百人。澄海第十九指揮元額管四百人。澄海第二十五指揮元額管四百人。清化指揮元額管一百八十人。半城指揮元額管一百二十人。作院指揮元額管五十八人。城面指揮元額管三十六人。右禁兵廂兵七營。內城面作院為一營。三陽團志。淳熙丙午。陳侯圭重創。在城西之威武坊。南北布列。共二十餘人。省鋪指揮。後與清化營接。巡轄司在其側。今遺址已為民居。軍額元管一百五十三人。潮梅巡檢司。在光孝寺之側。近歸湯田元寨。軍額元管一百人。同巡巡檢司。在金山之陰。元寨在潭口。軍額元管一百人。小江場巡檢寨。去城五十里。軍額元管一百人。赤砂巡檢寨。取潮陽縣十里。軍額元管一百人。鼓樓岡巡檢寨。在揭陽縣之側。近歸赤關新寨。軍額元管一百二十人。推鋒寨。在州郭之北。軍額見管一百廿一人。水軍寨。駐劄於潮州揭陽之寧福院側。軍額元管二百人。海陽縣弓手額管五十人。潮陽縣弓手額管五十人。揭陽縣弓手額管五十人。郡國養兵以衛民。若母存虛藉。毋給他役。訓練有素。緩急可倚為用。自林公燦整造戎器。每遇雙日



親引廂禁兵閱習之。後趙公以多益加教閱。具有常程。武備少修。繼是者常令精練。隨闕隨補。庶不虛耗養兵之費。三陽志以上營寨軍額今廢。惟舊月寨存。本州禁軍自春秋大閱之外。散在諸廳。分局執役。每遇日教。視爲文具。實糜丁亥。孫侯以始至。謂郡將於尺籍伍符。寄委不輕。倡率當自州家始。應窠座占名禁株。如宅庫廩兵之屬。盡令赴教。戎裝一色。旗甲精明。又招刺曉勇之卒。令爲一隊。教以擊刺長技。號帳前親兵。軍容爲之改觀。農隙點集四隅民兵。部曲整肅。紀律嚴明。不擾而辦。水軍寨舊駐於揚陽之宰福院側。嘉定間。曹侯自上便民五事。乞移於鮑浦場。以扼海道之衝。然水軍填補多刑餘之人。面已涅矣。無復顧惜。向寨隣於縣。猶有所憚。及遷鮑浦。旁若無人。主將專恣。容縱出海。弊端百出。將以防遏。反爲民害。權軍呂興。趁惡有違紀律。孫侯白于帥。斥逐之。見議申請復舊。州之廂禁軍。推鋒軍各有營寨。歲久頽圯。淳祐丙午。陳侯去撥錢。鼎創諸營外門。凡七牢。城清化作院。及四澄海指揮是也。更造營之神堂。凡二第。二第七指揮是也。軍房發屋百間。易以瓦屋。爲巷者四。推鋒寨是也。以至清化之廂房。牢城推鋒之土牢。所以處罪隸者。一皆撤舊而新。自是營壘嚴肅。而兵卒無踰關犯夜之虞。牢柵周緻。而囚徒無燥濕疫癘之患矣。

黃岡寨前此未有。業因汀新梅寇張思明卜墓。衝突饒源北溪湖濠等處。居民被害。淳祐壬寅。劉侯克遜請于朝。欲置寨屯兵其地。仍拘沒勢戶所。呂民田以贖軍。癸卯間。鄭侯良臣準朝旨。相度地勢。移就黃岡。創立城寨。以同巡黃董其役。委理掾趙特昂括所。占田七百一十五石。一畝半。歲收租三千四十九貫七百八十七。官省以給養兵之費。李侯遇繼之。增蓋軍處。城砌以石。畢事於淳祐乙巳之夏。屯兵以百人爲額。新招軍伍拾名。外伍拾名。撥鮑浦水軍寨正額兵更番駐劄。兵卒月糧一石五斗。舊例和雜三分之一。陳侯去憫其勞。盡數給之。一飽之餘。然後編以紀律。寨門首墩道旁。易而內向。時其出入。不復貽害於民。三陽圖志。元革命制度一新。鎮守一路。設萬戶府。及鎮撫千戶百戶。以統兵。有事則戰。無事則守。二年一遣調。蓋防其久。則與寇馴熟也。然此邦荒遠。去大都萬里。軍官得人。則民間無搔擾之憂。不得人。則民被其害。如守城門。則往來負販者受禍。巡哨則鄉村間井被苦守。搗則船筏上下者有礙。軍之衣食既出於民。民之防衛必賴於軍。其可以衛民者而殘民乎。在上者。盡思所以懲之也。萬戶府千戶。鎮撫百戶。皆在于城之西。軍營列布焉。軍額。府牢千名。潮陽縣千名。海陽縣千名。六十名。揚陽縣千名。六十名。

錄事司弓手十名。各處巡檢司弓手三十名。

橋道

三陽志由東以入廣者。至湖有一江之阻。沙平水落。一葦可航。雨積江漲。則波急而岸遠。老於操舟者且自怨。聞一日不能四五濟。來往者兩病之。由湖而南。百三四十里。間聚沙彌望。四無人居。路入平埔。無寸陰。可以少憩。尤道于湖惠間。以冒暑得疾者且半。加之驛傳無人。器皿不備。惟監司貴客至。縣乃撤里保辦之。它客不郵也。紹興二十九年。閩叅政林公宅將將漕入境。詢由廣之路。有司告曰。南自惠往。而西北由循梅遠。道里荒蕪。二路則同。林公乃進州之三邑。長若尉而前之。諭以植木治道。傳新舍。且情語之。以無為里保擾。尤居民去官道而遠者。說令徙家驛傍。其膳飲以利行者。且自利官司。百役悉蠲之。由湖而往。過客已無棄日之憂已。惟與梁之舉。未有慨然作意者。乾道七年。太守曹公注乃造舟為梁。八十有六隻。以接江之東西岸。且峙石洲于中。以繩其勢。根其址。凡三越月而就。名曰康濟橋。議者謂橋或可成。未有若是之神且速者。越三年。舟以雨壞。太守常公非所以處此者。與曹公一槩。出帑餘為居民唱。乃命以捐其制。以便操習。其舟數修於前者十三。役畢。餘乃猶裕。遂翻傑閣于西岸。以鎮江

永樂大典卷三千四百三十三

十八

渡。名曰仰韓。以韓文公道蹟。實與是閣對也。東顧則閩嶺橫陳。西望則荆江直瀉。南連滄海。瀾漫而莫觀。津涯北想中原。慷慨而益增慷慨。勢壓勝王閩。雄吞庾亮樓。層牙共斗。柄爭衡。砌玉與地軸接。樹木林四時之綠。屋廬環萬壘之鱗。溪流澆滌。以連空。山色回環。而入座。登高寓目。足以豁羈客之愁。對景賦詩。庶幾動騷人之興。固一方之壯觀已。董是役者。軍事推官曹崇。淳熙己亥。朱公江建登瀛門左掖三。己亥。臺右掖南門奇觀門之舊址。即仰韓閣也。閣以火為門。增石洲之與舊為三。築亭其上。東曰氷霞。西曰玉鑑。中曰小蓬萊。庚子。攝郡王公上。乃復增一洲。距西岸數步。上跨巨木。下通船筏。至是始無衝突浮梁之虞。己酉。丁公九元修浮梁。自西岸增四洲為八。且以堅木覆以華屋。曰丁侯橋。紹興甲寅。沈公宗。為端石東岸。結亭於前。扁曰益秀。與登瀛門對峙。慶元丙辰。陳公亮。以益東岸之洲二。結架如丁侯橋。而增廣之曰濟川橋。更挹秀曰濟川臺。以止過客。亭之後曰見思庵。戊午。林公味。衍濟川橋而表之。增以四洲。雄巖過於西橋。又漳潮界上。道路硠礫。捐金砌石。以便往來。嘉泰癸亥。冬。濟川橋火。為亭若庵。一夕俱燼。趙侯帥勇。與馬倅承規。增崇石洲故址。屋覆其上。磚甃其下。面橋為亭。名悉仍舊。犬書題扁。侍郎陳公謙筆也。



永樂大典

卷五三四三

開禧丙寅林侯會接濟川橋之西增築石洲者五修其舊者一亦屋覆而碑堯之扁曰小蓮菜因未侯命名之舊。紹定戊子孫侯叔誥復接丁侯橋之東增築二石洲。三陽國志後屋柱漢洪風觀之餘亦屋俱築。端平初葉侯觀借式車趙公善更始命刊字趙汝舟首上。忽整而新之。中扁玉鑑。典小蓮菜對。仍開二字。西北曰飛龍。為祀聖放生之所。而南曰靈醫。為禮賢賓饌之所。邦人即登瀛州之左。為堂增二公而祠之。初運判曾公守沈公。唐嘗始金傲。謀築其一而不就。侯乃克成之。淳祐丙午。陳侯主修橋及舫。太平橋。在州治之前。去思橋。在子城之西。壬戌歲。趙侯始作石橋立是名。浮橋舊以鐵纜。紹定梅寇衝突。倉卒銷纜。為兵置以步之藤。隨成鞞壞。開慶己未。林侯光世造新舟十四。鐵纜七十丈。從步翼而貫之。遂可水火。西門橋。北門橋。新路橋。湖頭橋。新溪橋。南壕橋。寬門橋。除西門南壕外。白奉外城後。皆多以板。新溪今廢。已上七石橋係在城。州城東抵大溪。溪舊有橋。橋之西扁曰丁侯。東抵中石州橋之東。扁曰濟川。西直小蓮菜。自乾道以來。且築且增。有燬有復。東西為屋。共四十間。中派聯絡以二十四舟濟之。時其操縱與波上下。壬戌。颶風之厄。舟與亭屋俄頃而盡。游侯長肅捐已俸合眾力一新之。址之故者。

永樂大典卷五三四三

十九

改築材之盡者更新橋成極其壯觀。林直院希逸記之。咸淳丁卯。錢講年鄉深增修所未備。且補舟楫之闕行者。無履險之憂。三陽國志至元戊寅。此橋厄於兵火。大德二年。監郡大中。仲里修造橋亭。每復為洪流所壞。大德十年。郡守少中。常侯元德。復碑石。洲高三尺餘。重修橋亭。自稱開春。定三年。判官買住。多以石版。僅成四間。斷新橋舊。亭屋俱廢。忽一夜。第一間石版自折。又月己巳。五月三日。邦人觀競渡。第二間又折一石版。溺死者三十餘人。至明年。又折一石版。溺死者三人。本路同知胡列大夫。并惻然捐俸。鳩合眾力。重修木梁。添砌亭屋。往來者遂無戰兢之恐矣。其餘小可橋梁。津渡。附列于左。葉侯橋。三陽南門外城壕舊石橋也。為通衢往來之衝。慶元初。陳侯忠規。誤聽陰陽家者說。鑿壕東達于溪。未幾。溪洪暴漲。西衝于壕。橋遂以壞。沈侯比既築塞。故既通焉之更創。扁曰沈侯橋。立石其旁。然舊既既鑿之後。雖復填塞。竟未全固。加以城築之役。就便取土。隄益以薄。端平乙未秋。因巨漲奔突。潰隄入壕。橋復壞焉。葉侯親躬親相視。既撤海陽宰常侯孫董。役監督故隄。復度工善費。捐錫為倡。命寓公黃夢錫。趙汝獻。戶孫趙必德。提督更造橋成。邦人德之。遂榜今名。刻石以于不朽。三陽國志奉定丁卯。判官買住。再加修築。物亭其上。揚舊榜曰見。

思。故投何氏先而祀。東路石橋道。溯自古漢。抵分水嶺以達津州。乃南北往來之要衝。蹊道硤嶮。流斷絕。舊橋砌以石者。僅秋溪一。思古亭一。後增十有餘所。大半規模苟就。閱歷未幾。頽仆繼之。其路又多泥濘。間或築砌。第累小石。纒過滋滌。行者涉者病焉。淳祐丙午。陳侯主捐金布石。依私直僦工石而橋者一十三所。砌而路者三百餘丈。憧憧往來。無復長涂病涉之患。邦人余震為之記。橋今列于左。思古亭橋。思古三里橋。黃金塘橋。平福橋。麻景橋。小江庵橋。林姜庵橋。陳塘橋。水磨頭橋。百丈埔橋。黃崗五里橋。竹林徑內大橋。竹林第二橋。三陽志州治自太平橋直抵三陽門。橋之四維。舊有四塔。外疏兩渠。中為官街。歲月浸久。塔之僅存者二。居民遂侵官地以廣其廬。溝藏於堂坳之中。通衢湫隘。累政因循而莫革者。百有餘年。淳祐丙午。陳侯主欲復舊觀。明示榜文。諭以四害。謂市肆橫街。易啟紛爭。突埋衢越。易至陳漏。雨潦時至。易生浸淫。溝道不通。易生疾癘。意旨一乎。民悚而信。不旬浹聞。而官街盡復。於是捐公帑益已修。以時價市石。以私直僦工。撤舊砌新。自太平橋至三陽門。長五百單五丈八尺。東抵西關。二丈四尺。官溝在外街之兩傍。石刻丈尺為誌。砥道軒豁。有中州之氣象焉。邦人紀善甫為之記。立石于宣

永樂大典卷五千三百四十三

二十

詔亭之左。三陽圖志丙子。兵火街路無恙。而石與亭無存矣。  
壇場

圖經志社稷壇。本府在城西門外。海陽縣附。三陽志社稷。當在兩所附。社稷之遺。凡建邦國。皆首立焉。按舊圖志。但云錯居廣法淨樂二寺之後。僅附見焉。城郭門。非所以專社稷也。今奉而出之。州社稷壇。在南廂三陽門外之西。其壇各方二丈五尺。高三尺。四出陛三等。四門同一壇。海陽縣社稷壇。在城南舊韓廟之後。春秋社。且祭社稷。社以后土句龍氏。稷以后稷氏配。牲用羊一。豕一。黑幣二。準令州縣長官到任。親謁社稷。點檢壇壝。若春秋祈報。非有故不得差官。郡邑通祀。以社稷為重。風雷雨師次之。其為農祈報。則一也。郡之社稷壇。實處城南廂三陽門外之西。而風雷雨師壇。舊各在郡一方。壇惟凸土。門壇闕然。當其祀時。森泥泥津。則寓于浮圖氏之舍。季侯遇始。合其壇而三立之。風師置在社壇之東。雷師兩師在稷壇之西。二壇同一壇。方位制度。為如今甲。淳祐乙巳。林侯去公捐金。增加修飾。壇壝以石。徑砌以甃。有堂中峙。有垣環列。其外。門為曰州祀壇。以示崇祀。邦本之意云。三陽圖志本路舊社壇。在南廂三陽門外之西。大德六年。肅政廉訪司。備奉御史臺。承奉中書省劄付。欽奉聖旨。內一

欽。徽鎮海濱。名山大川。風師雨師。當祀之。見。須以本處正官。齋潔行  
事。有廢不奉祀。不敬者。從本道肅政廉訪司糾彈。欽此。大德八年。總督府  
奉上司行下。照得至元八年。欽奉聖旨。內一件。核自古春秋二仲戊日。祭  
社稷於西南郊。立夏後丑日。祭風師於東南郊。立夏中月。祭雨師。當於  
西南郊。欽此。當年立社稷壇於舊地。立風雷師壇於東。雨師壇於西。圖經  
志。風雷兩山川壇。本府在城內門外之南。三陽志。風師壇。在西湖  
北廟之右。雷兩師壇。在北。廟。維。維。維。三壇各一丈五尺。高二尺五寸。  
四出。陞三等。四門同一壇。此宋壇遺之制也。圖經志。無祀鬼神壇。本府  
在城北門外。海陽縣州。

戶口

圖經志。戶口。洪武十年分。終。本府海陽等四縣。計六萬九千七百七十九戶。二十  
一萬四千四百單四口。永樂元年。戶八萬六千九百九十一戶。人丁男婦二  
十八萬四千四百五十七口。詳縣志。唐開元戶一千八百。宋開戶七萬  
四千六百八十二。東。中。化。宋。朝。戶。主。客。都。共。五。千。八。百。三。十。一。九。城  
志。五。萬。六。千。九。百。一。十。二。客。一。萬。七。千。七。百。七。十。與。地。要。覽。七。萬。五  
千。九。百。單。二。名。三。陽。志。生。齒。之。數。是。稅。特。以。為。多。寡。創。郡。之。初。為。戶。一

永樂大興五千三百四十三

二十一

千一百九十。口五千五百二十。其特屬縣有五等。而古之。是一縣僅有二  
百四十戶。當時民物。用可知也。隋之去晉。止二百載間。乃有二千六百有  
六戶。較之往昔。幾於倍數。唐杜佑作通典。載。海陽。戶。一。萬。三。百。二。十。  
四。口。五。萬。一。千。六。百。七。十。四。韓愈請置。州。牧。亦。曰。此。州。戶。有。萬。餘。連。歙  
陽。皆。唐。書。誌。乃。云。戶。有。四。千。四。百。二。十。口。二。萬。六。千。七。百。四。十。五。且。稱  
於杜佑。韓愈之所紀何異。宋。開。州。實。初。有。戶。三。萬。餘。連。元。豐。間。九。城。志。成  
主。客。戶。計。七。萬。四。千。六。百。八。十。二。比。於。唐。時。七。倍。其。數。比。歲。以。來。總。稅。客  
戶。與。客。戶。古。之。以。戶。計。者。一。十。三。萬。五。千。九。百。九。十。八。以。口。計。者。一。十。四  
萬。五。千。七。百。三。十。二。較。之。於。古。不。啻。百。倍。自。今。已。往。不。其。愈。盛。哉。本。州  
三。縣。主。客。戶。總。一。十。一。萬。六。千。七。百。四。十。三。戶。總。一。十。四。萬。七。千。五。百。七  
十。口。三。陽。圖。志。元。滅。宋。平。湖。以。前。亂。離。瘡。痍。數。萬。生。靈。或。罹。鋒。鏑。或。被  
驅。擄。或。死。於。盜。賊。或。轉。徙。他。方。至。元。二。十。七。年。朝廷。籍。江。南。戶。口。方。見  
其。數。比。年。以。來。民。物。土。聚。戶。口。日。蕃。矣。本。路。三。縣。一。司。民。戶。總。七。萬。七  
十。九。戶。南。人。六。萬。八。千。七。百。七。十。三。戶。北。人。一。百。五。十。四。戶。錄。事。司  
總。三。十。三。百。五。十。八。戶。

田賦



圖經志田種洪武十年分於縣。本府海陽等四縣官民僧道學院。沒官等  
頃田地。一萬一千七百三十二頃。四十六畝六分二釐。二毫一絲五忽五  
微八塵。每畝科正米不等。計正耗米六萬五千四百八十三石。一斗六升  
四合八抄九撮五粟七微八塵六埃。官田地六十三頃。六十一畝三分  
六釐三毫一絲六忽七微。每畝科正米不等。計正耗米二十八萬六十一  
石。三斗二升三合一勺。四抄八撮三圭四粟五微。民竈田一萬一千二  
百五十九頃。四十三畝一釐七毫一絲二忽六微四塵七埃。每畝科正米  
不等。計正耗米五萬六千七百四十二石。三斗三升五合五勺。九抄一撮  
二圭四粟一微三塵一埃。僧道田二百六十八頃。七十八畝七分六釐  
八毫六絲五忽。每畝科正米不等。計正耗米一千二百六十八石。四升九  
合七勺。五抄八撮七圭七粟五微。學院田一百一十三頃。三十四畝七  
分五釐。每畝科正米不等。計正耗米三千一百四十三石。九斗一升二合  
九抄二撮。沒官田二十七頃。二十八畝七分二釐三毫二絲一忽二微  
三塵三埃。每畝科正米不等。計正耗米壹千四百六十七石。五斗四升三  
合四勺。九抄八撮六圭九粟六微五塵五埃。夏稅洪武十年分於縣。本  
府海陽等四縣青黃麻麥豆芝麻棉花藍靛等地二百九十五頃。二十七

永樂六年卷五十三百四十三

二十二

畝八分一釐八毫七絲五微。青麻地一十三頃。三十三畝一分一釐一  
毫六絲九忽。每畝科麻一斤。計麻一十三百三十三斤。一兩七錢八分七  
釐四毫。黃麻地一百四十四頃。二十畝二分三釐二毫一絲四忽。每畝  
科麻一斤。計麻一萬四千四百二十斤。三兩七錢一分四釐二毫四絲。  
烏豆地四十三頃。六十五畝四分五釐二毫四絲一忽。每畝科正豆三升  
計正耗脚豆一百五十四石。一斗四升四合一勺。二抄四撮五圭九粟七  
微一塵。小麥地四十一頃。五十七畝四分六釐八毫七絲六忽。每畝科  
正麥三升。計正耗脚麥一百四十六石。八斗二勺二抄一撮九圭一粟五  
微六塵。綿花地三十四頃。三十六畝四分五釐七毫七絲五微。每畝科  
綿花八兩。計綿花一千七百一十八斤。三兩六錢六分一釐六毫四絲。  
芝麻地一十六頃。五十四畝二分二釐七毫。每畝科正麻二升。計正耗脚  
麻三十八石。九斗四升五勺三撮五圭八粟。藍靛地一頃六十畝八分  
六釐九毫。每畝科靛青八兩。計靛青八十斤六兩九錢五分二釐。畦桑  
本府海陽等四縣。畦桑地五頃六畝三分五釐。每畝栽桑四十株。計桑二  
萬二百五十四株。永樂元年。官民田地山塘二萬六千九百五頃。九十  
畝一分一釐四毫。夏稅小麥三十八百一十九石。八斗七升八合七勺

永樂大典

卷五三四三

絲二十七斤。一十一兩七錢二分八釐。藍絨一斤五兩三錢六分。米六十九石。七斗七升四合二勺。秋耕米一十七萬七千三百八十五石。一斗四升三合七勺。三陽圖志什一取民古之制也。漢晉而下立法不同。唐自租庸調法既壞之後。陌錢關祭之類。往往病民。下逮五代之季。賦役無名。民愈告病。元一區宇以寬民力為第一義。凡前代無名之賦。一切蠲除。惟種田納地稅。買賣納商稅。商稅三十取一。魚鹽船貨之征。隨土所有。本州自歸附以來。客戶亦納丁米。每戶二斗五升。今亦蠲免。為客戶者何其幸歟。此見聖朝賦役之輕。愛民之至。遠過於古矣。本州三縣一司。糧米總一萬三千四百四十一石。五升四合。錄事司。糧米七百五十五石。九斗八升二合二勺。賦稅州之賦稅產戶曰苗米。曰產錢。曰二科。役錢。曰七等鹽錢。白丁則折米丁錢而已。初丁米之數於產戶差重。黃公定城從令額丁錢之重。公亦方議寬削。以召命運矣。鹽之舊賦甚重。城市鄉邑居民量行均買。未有押配之擾。淳熙間。李提舉變二廣監。本州鹽課始增。乃從主客丁口科級。紹熙間。趙提舉復請減鹽額。隨產高下。作七等均數。園地屋基產僅一丈。數鹽與田產五十文者。白丁免。而小產下戶益困。慶元四年。太守林公崇於是。得節贏餘以代第七等之賦。沈公杞

永樂大典卷五三四三

二十三

趙公誼趙公仲乃相繼代輸。推此心以往。凡可以寬民力者。次第施行矣。若場務之征。厥有常額。并列于左。本州全年總催三縣產役丁鹽錢稅米。七虞場務。州稅務錢二萬一千五百八十六貫。六百九十九文。省。湖陽稅務錢四千七百九十七貫。二百七十一文。省。揚陽稅務錢四千三百三十八貫。七百八十四文。省。嘉定安西。因邦人有請。黃侯自求列于朝。得旨省罷。蓋揚乃州之小邑。相距數十里間。縣務與國灣鎮鮑浦場縣屬。縣務稅錢。大舉取辦於產戶田租之食稅。自省罷後。邦人至今便之。特孫侯叔。惟初創邑實贊成其事。國灣鎮錢四千六百二十八貫。六百八十七文。省。鮑浦場錢一千七百二十五貫。八百二十九文。省。小江場錢一千五百一十七貫。八百文。省。津口場錢八百五十貫。五百六十二文。省。竹木場元係抽摘無定額。本州白丁乃無產業之民。輪充甲頭。責之催科。仍買錢鹽。間有逃亡。復勒代納。民甚苦之。物力之戶。貧富隨時高下。州縣凡有科需。只憑舊籍追徒趣辦。既非常賦。又非案名。則民元修。慶元間。林侯亦復奏。朝廷悉與除罷。至今民受實惠。白丁舊納錢數一千足。折米價直初科三千五百足。民甚病之。嘉泰間。大師廖公在。明數奏朝廷。納丁只用五百五十。折米只用二百八十。悉從所請。至今民以為便。



七等之賦。數及貧民下戶。每歲所納。殊以為難。慶元間。林侯味始為代輸。嗣是一二改沿例而行。厥後無有繼之者。紹定己丑。孫侯叔謹得即歲計之歲。總一萬一千七百有餘緡。代納三縣第六等鹽役貧民下戶均沐實惠。此皆仁人君子之用心也。本州三縣催耕。按舊例隨鄉分居民充保。長以其熟識人煙聚落去處。適易趣辦。在城小產元不費差充。自海陽孫宰輕變舊例。行之未幾。民被其害。端正初士民列詞聞于邑宰。宰君俊孫隨照舊例。持與錫免。繼聞于州。乞禁止。縣胥以杜未者之紛更。復有照本縣已行之判。仍榜示通衢。揭為定式。是歲穀直五六十文。或者以為德政之應云。黃夢錫記之。見古瀛丙集。本州三縣諸保人戶。白丁錢慶元以前。縣胥之甲頭催納。自林侯味奏請除罷。只令戶給由于。聽其自納。始者縣吏散由。厥後以由寄保長分俵。由付其手。則禍業其身矣。非獨責令代償。又且誅求不一。曰領單。曰照額。曰把限。曰比呈。曰監納。曰驅度。曰對鈔。曰申足。非錢無以行之。以保長之微產所陪納者凡幾丁。一經執役。立致破蕩。淳祐二年。連帥方公太味因民陳訴。陳州照奏請。指揮聽民自納。不許差保長催丁。累政遵行。至今民以為便焉。本縣城內四廟居民舊有身丁錢。前此官吏只憑丁籍取辦。然市井小民。遷徙不常。無由追納其

本縣大典卷五十三百四十三

二十四

間又有老病而不為銷去者。有物故而科及妻子者。公私交病焉。淳祐癸卯。鄭侯良且始編排在城。白于計七千七百單三戶。盡為銷豁。中聞于朝。得旨如章人給公據。子孫永勿科。父老刻石頌德。邦人蓋震龍為之記。本州三縣小產最為貧窶。畝地不出尋丈。歲入不過升斗。而輸為官者二稅。產米鹽役等錢。靡費與中戶同。其間僻居山海。不能造糶者。有鄉司攬戶私領不納之弊。親來投納者。復有祠候往返之費。既納之後。吏緣為姦。對鈔銷簿。色色有錢。由是下民轉為貧民。陳侯士幹念民瘼。盡刷三縣產數。自一文至五十文。小產計二萬六千八百五十餘戶。即郡費捐已休為錢七千八百貫。官省代納以上。小戶七年八年夏稅。錢通榜給鈔。與民收照。三邑二萬餘戶。可以少紓。而無流離轉徙之憂。漕臺嘉其忠愛。核榜本州。仍備賸風厲諸郡。以侯之德。政為列城勸。本州三縣潮陽富孔道。舊例無了鹽寬剩。揭邑有之。其數尤少。惟海陽歲解六千貫省。淳祐三年。秘監李侯邁從縣中各免。

稅課

圖經志。酒醋雜課。洪武十年分於稅。本府稅課司局。歲辦高稅錢鈔廢銅等項。折計鈔二萬五千二百四十一貫。六百九十二文。稅課司歲辦

錢鈔廢銅等項折計鈔一萬七千五百六十三貫四百文。本府海陽等四縣歲辦酒醋等項課總計實鈔二千三百四十九貫六百三十四文。水樂元年。實徵各色課程鈔一萬九千四百錠。三貫七百八十八文。商稅課鈔一萬二千二十三錠。三貫一百七十文。額辦課鈔一萬二千二百二十二錠。三貫一百七十文。增羨課鈔一錠。酒醋課鈔四百三錠。四貫五百二十文。茶課鈔一十二錠。四貫七百八十八文。鹽冶課鈔一百錠。六百八十四文。房地貨鈔九十二錠。八百九十三文。比附魚課鈔七十一錠。四貫八百一十三文。廢銅二百二十八斤。一十二兩。米七千六百八十九石。四斗二升六合七勺三抄。茶課米三石。二斗一升四合五勺。魚課米七千六百八十六石。二斗一升二合二勺三抄。本府稅課司實徵商稅課程鈔銅。鈔四千一百九十一錠。二百二十文。廢銅一百二十斤。鹽課鹽場州。本府地面鹽場凡三所。看月米從來。總計額辦鹽一萬四千三百三十三引。三百一十斤一十四兩。小江場。在揚陽縣鮑浦村。百夫長六員。額辦鹽九千六百九十五引。二百二十五斤一十四兩。洪武九年。三分中權減一分。實辦二分。正耗鹽六千四百六十三引。二百八十五斤一十兩。招收場。在湖陽縣沙浦園。百夫長二員。額辦鹽二

永樂大典卷五十三百四十三

二十五

千五百七十一引。八十五斤。洪武九年。三分中權減一分。實辦二分。正耗鹽一十七百一十四引。五十七斤五兩六錢。隆井場。在湖陽縣射野園。百夫長二員。額辦鹽二千六十七引。洪武九年。三分中權減一分。實辦二分。正耗鹽一千三百七十八引。三陽園志天一生水。潤下作鹹。瀕海居民。築波出素而成鹽。蓋鹽為肴食之將也。用虞書鹽貢之法。行周官鹽人之職。設則其由來尚矣。然十一之稅。猶未及此。自齊以魚鹽富強。歷代因之。以資國用。設官推責。遂以為常。潮之為郡。海瀕廣斥。俗富魚鹽。宋設鹽場凡三所。元因之。散工本鈔以助亭戶。立管勾職以督課程。鹽之為利。既可以給民食。而又可以供國用矣。小江場。歲辦鹽七千八百二十四引。招收場。歲辦鹽二千八十六引。隆井場。歲辦鹽一十六百八十六引。本路三縣一司。歲散民鹽總八千四百八十六引。每引正鈔三錠。兼腳鈔一兩六錢四分。總辦課鈔二萬五千七百三十六錠。一十七兩四錢。錄事司。歲散鹽四百二十八引。課鈔一千二百九十八錠。一兩九錢二分。州戶計司。歲散鹽八十引。課鈔二百四十二錠。三十一兩二分。商酒課自龍斷周市利而商征筆始。漢人推酒酤而酒稅遂行。貢貢者納商稅。沽釀者納酒稅。古今國用不可廢也。聖朝推稅如舊而嘗加優

恤之意焉。本路三縣一司。歲辦酒課鈔總二千二百二十二錠。一十八兩九分六釐六毫。在城務歲辦課鈔六百五十七錠。單三兩五錢六分。茶課。自大禹列九州之產以作貢。而未嘗貢茶。下逮漢魏晉梁皆不及此。至李唐時。如趙黃滂王播王涯之徒。如創榷茶之制。宋朝又有榷務。交引三分三說之法。而茶之賦始繁矣。產茶之地出稅固宜。無茶之地何緣納稅。湖之為郡。無採茶之戶。無販茶之商。其課鈔每責於辦鹽主首而代納焉。有司者萬一知此。能不思所以革其弊乎。本路三縣一司。歲辦茶課鈔一百八十九錠二十六兩二錢八分。缺事司。歲辦茶課鈔二十一錠四十九兩七錢九分。

土產

圖經志土產。凡有土則有產。特精粗多寡不同耳。本府之所產。如花菜竹木之類。畧而不紀。其間所有藥物具載如左。貫衆。川山甲。蜂蜜。石決明。蓬萊木。甲香。天麻。胡芹。交宵花。爵金草。狗杞。鱉甲。蛇床子。紫稍花。澤瀉。甘菊。骨碎楠。天門冬。蒼耳。山藥。木賊草。何首烏。淡竹。烏藥。苦參。香附子。生地黃。商陸。續隨子。山茨菰。白扁豆。

永樂大典卷五千三百四十三

二十六

旋伏花。牽牛子。天南星。地骨皮。蔓荊子。夏枯草。車前子。石菖蒲。楮實子。括萎根。金櫻子。木饅頭。橘皮乾。海蝶蛸。史君子。金毛狗脊。木通。郡縣志。蕉布。魚鱗皮。寶字記水馬。海桐皮。千金鈞藥。黃海為鹽。稻得再熟。露亦五收。五子樹。郡國志云。潮陽五子樹。實如梨有五核。治金瘡及霍亂。三陽志州地居東南而暖。穀嘗再熟。其熟於夏五六月者曰早禾。冬十月曰晚禾。曰穗禾。類是赤穗。販而之他州曰金城米。若杭與林即一熟。非膏腴地不可種。獨隄亦未為不擇。秋成之後為囤。若田半植大小多踰歲而後熟。蓋亦於一熟者。種耳。麥與菽。豈惟給他用。不雜以食。其本業蓋如此。若夫果實之生。不能以數計。其可品者。若楊梅。若枇杷。以春熟。若荔枝。若蓮房。以夏熟。秋則龍目。冬則黃甘。雜於春夏間者。曰梅。曰李。於秋冬間者。曰梨。曰柿。歷四時而常有者。曰蕉。曰甘蔗。間見特有而不可以常者。曰波羅。密昔。無而今有者。曰蒲萄。曰木瓜。以至竹之種類。曰筍。竹曰單竹。可於屋宇用。曰慈竹。曰紫竹。可於庭館。植木之種類。曰梓。曰桂。可以備器用。曰楠。曰樟。可以架屋室。曰蘿。曰杉。曰栎。曰綿。可以閱千百載不壞。花不勝其異品也。其香與色俱者。曰梅。曰蘭。曰茉莉。曰素馨。曰醉醜。曰木犀。曰鷹爪。曰含笑。曰勝。



永樂大典

卷五三四三

春香不達其色者曰海棠。曰山茶。曰穿心寶相。曰玉龍鬆。曰錦綉堆。曰玉

骨。曰御帶。其他藥物之益於治病者。難於品第。姑雜誌其略云。仙茅。

鹿茸。鹿角。朱檀香。海馬。黃鳩。紫金藤。斑蝥。

黃連。半夏。山藥。草豆蔻。山芋角。草麻子。熊膽。

草撥。大蒜。茉莉。芥。蘆根。青藍。荷蒿。

茗蓮。波稜。萵苣。苦實。芹蕪。蕪。紫菜。

苦菊。香薷。石髮。紫薑。此特其常味者。餘不能盡錄。至

於海錯。如鱉魚。嶸山。章米。頰柱。人轉公南。食所係。與表。車。螿。毛。屋。河。純。魁。

蝦。香。螺。亦。蟹。之。屬。皆。味。之。美。者。其。他。名。類。不。一。難。以。悉。載。元。一。統。志。鹽。

小江場在海陽縣蘇灣保。所轄龍眼砂欄。南澳東西二欄。大埕欄。大港欄。

二面埕欄。柘林欄。官富欄。白砂路石頭欄。黃門前欄。又領揭陽縣蓮厝等

處七欄。隆井場在湖陽縣東南五里。所轄古埕欄。平湖欄。石下欄。惠來

欄。神德欄。招收場在湖陽縣北二十里。所轄大欄。洋背欄。鷓內欄。青嵐

欄。上浦欄。使。糖。大。參。在。果。豆。麻。布。蓮。蔗。梅。批。

李。柿。橘。柚。瓜。梨。茉莉。番。椒。素。馨。葱。蟹。車。絲。

杜。礪。已。上。諸。縣。並。出。荔枝。有。亭。在。郡。治。後。金。山。魚。韓。文。公。詩。

永樂大典卷五千三百四十三

二十七

潘魚尾如蛇。口眼不相營。地產鮫魚皮。鱉魚。諸縣有韓文公詩云。鱉

實如惠文。骨眼相負行。蛤。韓文公詞。即是蝦。甚同。實浪異名。嶸

韓文公詩。嶸相粘為山。百十各自生。章來馬甲往韓文公詩。章來馬甲

柱。嗣以怪自呈。我來樂應魁。自宜味南烹。

土貢

三陽志土貢。湖運。四。自晉義熙創郡以來。土貢不記。至唐乃有蕉。鮫。芋。甲

香。蛇。蟻。龜。石。并。銀。石。水。馬。等。物。本。朝。削。去。其。餘。惟。歲。貢。蕉。布。五。疋。甲。香

一斤。鮫。魚。皮。一。張。近。歲。復。罷。其。餘。惟。蕉。布。仍。舊。外。有。天。中。節。進。奉。銀。大。禮

年分銀。雖曰去其無用。增其有費者。然銀價錢。每歲半撥於轉運司。其不

妄取於民。蓋如此。前此州縣奉行失旨。乃白科民戶。以足其數。既不支與

本錢。其交收糜費。且半於正數。乾道六年。聞守臣曹公汪。一切罷去。止那

融本州歲計錢。徑行買發。三縣民戶。其知歲貢之有銀也。其它若鄂州大

軍。初。賞。銀。運。司。雖。歲。撥。本。錢。若。較。諸。市。直。三。之。一。爾。舊。來。科。輸。蓋。混。於。天

中。節。銀。數。內。以。產。錢。高。下。為。兩。數。曹。公。亦。以。官。錢。代。輸。而。大。軍。馬。料。較。歲

著。輸。之。民。者。一。以。是。虞。之。繼。承。以。卷。若。宋。公。教。書。常。公。楮。一。循。其。舊。不。復

民戶。獲。常。公。之。初。後。准。運。司。行。下。謂。天。中。節。銀。係。臣。子。奉。上。之。物。向。所。謂

價錢已不復給。常公固曰奉上之物。臣職當然也。既不復上。可請亦不復。斯民費歲。有猶故焉。聖節進奉銀二百兩。赴行在藏西庫交納。大體年分進奉銀四百兩。赴行在左藏西庫交納。助賞銀。逐年起發三千二百一十八兩四錢二分四釐。赴鄂州大軍庫交納。上供全年起發銀二十九百單四兩七錢五分。赴行在藏庫鄂州大軍庫交納。鈔鹽。本州均賣鹽三千單六羅。內二千單四羅。係三縣隨產作七等均賣。又一年單二羅。坊賣坊市公吏口食。及州稅務鹽羅買銀分作三綱。解發赴提舉司交納。第一綱正鈔銀一千八百三十三兩三錢三分三釐六毫。係六月發。附發坊市等銀七百六十兩二錢二分。第二綱正鈔銀七百九十兩九錢六分。係九月發。又附發坊市銀四百二十一兩五錢六分。第三綱頭創漕計加銑指留銀一千一百三十五兩七錢。係次年正月內發。附發坊市銀二百八十一兩一錢。常平窠名綱運。坊場河渡錢二十一兩一百一十八貫六百二十八文省。買銀五百九十九兩一錢二分三釐。官戶不減半役錢一千五百單九貫八百三十八文省。買銀四百一十五兩二錢一分。新舊減下史人食錢一百四十七貫七百文省。買銀四十兩六錢一分八釐。三項錢買銀分上下半年發赴行在左藏庫。及湖廣總領所交納。

永樂大典卷五千三百四十三

二十八

吏祿錢三千五百七十六貫二十一文省。買銀九百八十三兩四錢一分。分上下半年起發赴提舉司文納。錫本錢一千八百貫文省。買銀四百九十五兩起發赴鄂州通判廳交納。經總制孫通判廳。每年分作四季起發。行在淮西江鄂等處綱總計銀二萬八百八十九兩六錢七分五釐。春季銀五千七百五十五兩二錢二分。夏季銀四千三百八十七兩一錢八分。秋季銀四千六百六十八兩三錢三分。冬季銀六千七百九兩二錢八分。右諸色綱運今附載于此。

官制

國朝五圖經志潮州府知府同知通判推官各一員。經歷司經歷知事各一員。照磨所照磨檢校各一員。司獄司司獄一員。儒學教授一員。訓導四員。水豐食大使副使各一員。統課司大使副使各一員。僧綱司都綱副都綱各一員。道紀司都紀副都紀各一員。隆陽學正術一員。普學正科一員。廣豐庫大使一員。潮州衛指揮司指揮使同知。倉事。經歷司經歷。知事。鎮撫司鎮撫。左右中前後五千戶所。正千戶。副千戶。百戶。所鎮撫。

公署

圖經志州治形勝 州治基于金山之麓韓山峙其東西湖山屹其西金山盤踞于其後山其上有石門巖有石傑立不群曰獨石其東有石尤高宜日之初曰初陽頂傍有石奇而秀曰獨秀峰其西有石宜日之号傍有一巖曰西輝巖之下叢石惟峭巖於重篠曰隱存有洞曰仙遊臺曰鳳臺蓋是州之勝槩皆萃于金山舊曰金城者以是山祖於金氏也城之東有溪其水自循梅汀轉而下曰鯉渚者以韓公驅鯉於此而得名也蓋湖之為郡實與閩越江西接壤處廣地之極東界自唐韓子請居於此其名由是而益重豈非地因人而勝也歟三傳志州治 郡丘有溪北自循梅汀續下溪之東其地曰鴨湖故圖經所載曰古郡治基址頗毀漫不可考惟居民揮鉞者特得无碑百十數於雜壤間其制異今或以為古壘唐刺史韓文公嘗治焉夫郡治之故存鴨湖或未必若曰韓公嘗治焉則大不然者今郡西有李公亭始於唐貞元之十三年其亭記亦是平作也周曰亭為觀稼之地在郡西隅今亭廢已久惟故址與記尚在鴨湖視之亦處於西然謂之西陽則為今之郡治形勢合矣韓公判湖元和十四年也其去貞元二十有一載則韓公之時郡治已遷于今矣謹按今之郡治實基于金山之麓其狀若屏之隱起州于城隈是山而基之州治之前于詔頒

春二亭在焉自南門入次則鼓門門之西理院在焉次則儀門莫以屏廡中伏二庫東西對峙庫之西省庫在焉設廳峙其中城東西門自廳之兩腋以出州院舊倂廳居其東米鹽二倉閤武堂居其西幕法曹諸廡列其後太守之廳事由儀門東偏以入公堂之後其堂有二東曰宣美今名平理北曰清心燕寢之室實用之益東而南有堂曰明遠後更為思韓為文公設也由堂之東梯城以上有亭曰壘翠其亭額陳文惠公筆也循亭而北有亭曰獨遊文惠倂郡之日實名之復記之二亭相去咫尺舉目轉盼互有景物今獨遊已廢壘翠屹立於其前由是而往則金山諸境開見層出蓋前後應接之不暇者初金山雖處郡治後其勝槩久秘而不露大中祥符之五年王侯潛始命前開由石門東上躋于山頂有石傑立不群題曰獨石其東有石尤高宜日之初題曰初陽頂傍有石頽而秀題曰獨秀峰其西有石宜日之号傍有一巖題曰西輝巖之下叢石詭怪與篁篠雜題曰隱石石側有洞可以遊仙題曰仙遊有臺可以集鳳且州為鳳山之舊也題曰鳳臺其存於今者蓋如是外此者若荔枝鳳凰亭之類名存而實亡者悉自王侯始歲久諸題蕪沒至者惟今之凝遠就日二亭是實凝遠亭故見遠也而于城郭就日亭故初陽也而于溪山二亭起廢於



翁侯于禮之手。淳熙改元。常侯偉始至。探幽發藏。志命掃落。就日亭。陰又有一覽亭者。江流回湫于前後。亦翁侯之舊也。亭地日久。亦復新之。凡故亭具在者。畢加葺治。實為州治後圃。以今視昔。氣象益不侔矣。若夫一湖一川耳。或曰金城者。以是山舊屬于金氏。曰鳳山水者。以鳳凰山一水緣溪而出。曰鹽渚。以韓公驅鱷之舊。曰揭陽。蓋有取於古。曰湖陽。又郡之通稱。而潮之軍事則治於海陽焉。設廳正。直儀門。景定癸亥。郡守游侯長而重建。治事廳。右設廳之右。郡守曹侯天麟。建陳侯。以重修。清心堂。在治事廳之後。游侯長而重建。與地北勝清心堂。在州治。萬卷堂。在清心之側。與地北勝。萬卷堂。在州治。東。思韓堂。在萬卷堂之東。紹定初。孫侯以建。直院陳常伯。實。記之。後有亭曰仰斗。刻韓公像於其中。刻韓公及諸賢墨跡於兩廡。莆田王邁為之記。府堂舊居平理堂西。周侯梅。以遷于郡治。直北。寶祐六年。林侯光。世。再即舊地。撤而新之。為堂七楹。前有穿堂。後有敬香閣。郡圃接宅堂之後。黃侯定。創堂其中。扁曰熙春。前值雨亭。歲久皆廢。殿講車。以堂宇將廢。重修。瀛州別墅。在熙春之前。歲寒堂。在郡圃之後。創始於沈侯。宗。而重建于游侯。長。而面金山。岩石之勝。真奇觀也。浮香亭。在歲寒堂之前。亦游侯長。而重建。壘翠亭。陳文惠公

所名。沈侯。填建。江山之勝。盡在目前。鳳山樓。在壘翠亭之北。舊名鳳栢。葉侯。親重建。易以今名。明秀亭。在鳳山樓之北。其後為月臺。回潮堂。跨金山之東。得要臨清二亭。交峙其下。真得江山之要。俱游侯長。而重建。一覽亭。在金山之巔。亦游侯長。而重建。披雲亭。在金山之麓。葉侯觀所建。與戴星東西相映。游侯長。而重修。古瀛洞天。在鳳山樓之下。葉侯觀所經理。前繪列仙。後傍城。疊石汲水。為流觴。左右二亭。曰欵涼。延。光。古桂。婆娑。具載。唐。曾。之。記。亭。樹。之。廢。者。凡。八。處。今。列。于。左。梅花院。與地。北。勝。院。在。佛。殿。取。陳。文。惠。梅。花。院。竹。青。之。句。以。名。三。陽。志。文。志。公。初。淨。友。俯。揖。東。阜。清。嘯。植。節。疑。曠。浮。碧。金。廳。在。公。廳。之。右。紹。定。初。孫。侯。以。理。史。創。歲。久。頽。壞。咸。淳。丙。寅。殿。講。農。卿。年。侯。深。重。建。軍。資。庫。在。設。廳。之。右。傾。頹。欲。廢。年。卿。深。鼎。新。廳。屋。門。廡。重。修。諸。庫。規。模。壯。觀。視。昔。有。加。公。使。庫。在。公。廳。之。左。年。卿。深。重。修。酒。庫。在。公。廳。之。東。年。卿。深。重。建。都。倉。在。設。廳。之。側。陳。侯。主。重。建。年。卿。深。重。修。當。直。司。在。倉。廳。之。右。使。院。在。倉。廳。之。左。皆。年。卿。深。重。修。設。廚。在。公。廳。之。左。年。卿。深。重。修。通。判。廳。在。設。廳。西。乃。閩。武。堂。故。址。淳。熙。庚。子。王。倅。正。功。創。之。淳。祐。乙。巳。趙。倅。善。所。更。造。風。月。堂。在。廳。事。之。東。列。寒。堂。在。廳。事。之。西。

永樂大典

卷五三四三

登金堂在宅堂之東。文惠堂在後園。創於趙君善。以後增祠昌黎濂溪。歲久頽圯。景定壬戌。通判程應子重建。以韓周二先生各有專祠。而賢良許公中書從文惠游。濂溪公仲明嘗倅此州。故並祠焉。前為堂扁曰梅竹舊遊。拙窩在文惠堂之下。舊名逸碧。廖公德明更今名。朱文公書扁。并濂溪拙賦。刻諸岩石。間左右多前賢磨崖。亦程倅重建。判官廳在子城之西。偏嘉泰壬戌。判官曹志創始。歲久頽圯。不復可居。咸淳丙寅。判官方元吉鼎建。郡侯殿講年。卿實相其成。推官廳在子城外之西中。廢為郵傳。景定甲子。推官劉州。請于郡。以鳳爾驛舊地重建。戶部徐明。記為記。錄參廳在設廳之左。上雨旁風。居是官者。往往慨念以處。咸淳丙寅。錄參陳休。慨然以興廢為請。殿講年。卿捐金錢。撥木植。俾之重建。司理廳在鼓樓之西。獄舍傾倒。幾半成淳。丙寅。殿講年。卿撥錢。俾理掾黃中重修。建司戶廳在登瀛門之左。司注廳在子城西門之外。三陽周志。已上。舊年。州兵火。燬海陽縣在製錦坊內。三陽周志。八之。澄清坊。丞廳居左。簿廳居右。尉廳在開元寺之後。三陽周志。永簿尉廳。今甘。五湖陽縣在新鄉內。丞廳在縣郭內之北。簿廳在縣郭內之東。尉廳在縣郭內之西。揭陽縣在永寧鄉之第一都。丞廳在縣之西。簿廳在縣之東。尉廳

永樂大典卷五三四三

三十一

在縣之南。嘉定壬申。孫侯叔。注調尉于此。始立題名壁記。又營地祭堂于廨舍之側。扁以釋志。教閱諸學。繼者以傳舍視之。漫弗葺治。併與廨宇俱成。荒墟。越十有四年。孫侯未守。是邦復捐金。鼎創邦人黃錫為之記。見古瀛丙集。石曹職廳舊在子城內者。後既遺。故復與諸官廨附載于此。海陽縣主簿廳。舊無丙廡。吏舍陳侯士為之創。海陽縣尉廳。蓋廢不治。幾二十年。僅存故址。更數政。做屋浮高。淳祐丙午。陳侯士撥木植。捐金錢二十七萬四千有奇。因故址鼎創一新。自是無官民雜處之弊。都稅務在州學之東。歲久欲廢。咸淳丁卯。權務王進勇。建議請于郡。侯殿講年。卿泚以所得。餐錢重新。修建。今遺于大街。就義坊南。廨宇。潮之廨宇。兵燹後。墟矣。至元二十一年。樞使月的連。夫未潮。分俸郡守丁侯。聚募役。剪荆棘。并瓦礫。始創官廨三座。儀門兩廡。後累政。績績葺補。後曰清心中。曰忠愛。憲模范。特為之記。至順辛未。同知怡新。州公。後新粉飾。視昔有加焉。經歷司廳三座。在府廳事之左。扁曰衙政。憲模范。特為之記。祭閣庫在焉。司獄廳二座。在經歷司之東南。獄房在本司之前左。水豐倉四所。在儀門之前右。廣盈庫一所。在儀門之前左。鼓角樓一座。五間。在子城之南門。錄事司衙。在太平橋之右。廨訪司分司。在道愛坊內。今

汝為澄清坊。海陽縣衙在廉訪分司之右。惠民藥局在大街格柱坊之南。平準鈔庫在大街星郎坊之南。潮陽揭陽縣衙在舊處。圖經志潮州衙指揮司。在金山之麓。于城之南。係元制總管府舊廨。鎮撫司在衙前。鼓角樓門外之東。千戶所。潮州府。舊在金山之麓。金朝五立德坊之大街。提刑按察分司。本府。在街東澄清坊前三陽驛舊址。司獄司在舊澄清坊前海陽縣舊址。巡檢司。計一十四處。係州。海陽縣管四處。潮陽縣管四處。揭陽縣管三處。程鄉縣管三處。倉庫司局。本府水豐倉。在潮州衙衙門西。本府廣益庫。在潮州衙衙門東。行用庫。在大街西名賢坊南。稅課司。在大街西甘露坊南。本府惠民藥局。在大街西格柱坊南。館驛。計十二處。逆逆所附。本府鳳城馬驛。在府治西。馬五匹。驢三匹。鳳城水驛。在北門外上郭。船五隻。東往漳州府漳浦縣界館驛一所。黃崗驛。係海陽縣管。馬五匹。驢三匹。南往惠州府海豐縣界館驛四所。桃山驛。係揭陽縣管。馬五匹。驢三匹。靈山驛。武寧驛。北山驛。以上三驛。係潮陽縣管。每驛馬五匹。驢三匹。西北往惠州府興寧縣界館驛五所。產溪驛。三河驛。以上二驛。係海陽縣管。每驛船五隻。松口驛。程江驛。攪潭驛。以上三驛。係程鄉縣管。每驛船五隻。與地紀

水輿大典卷五十三

勝西津驛。元和志云。在州西。鹽亭縣。元和志云。在海陽縣近海。百姓黃澤水為鹽。連近取給。圖經志本府遞運所。計四所。鋪舍。每驛鋪司一名。鋪兵四名。本府東抵漳州府漳浦縣界。由城東門海陽官路往鋪舍計一十五所。府前鋪。恩古鋪。白雲鋪。平福鋪。陳街鋪。鹿景鋪。白沙鋪。小江鋪。環山鋪。九峯鋪。林美鋪。浮山鋪。鶴袖鋪。黃崗鋪。竹林鋪。以上一十五鋪。係海陽縣管。南抵惠州府海豐縣界。由揭陽潮陽二縣官路往鋪舍計三十三所。英塘鋪。迺野鋪。以上二鋪。係海陽縣管。鳳翥鋪。登崗鋪。漁湖鋪。官溪鋪。縣前鋪。桃山鋪。以上六鋪。係揭陽縣管。水頭鋪。展頭鋪。門關鋪。樟景鋪。海田鋪。桑田鋪。華陽鋪。縣前鋪。深浦鋪。梅花鋪。和平鋪。盧崗鋪。成田鋪。華寮鋪。芹港鋪。芹洋鋪。黃崗鋪。山內鋪。武寧鋪。徑口鋪。新徑鋪。茶市鋪。新市鋪。樟昌鋪。北山鋪。以上二十五鋪。係潮陽縣管。西北抵惠州府興寧縣界。由程鄉縣官路往鋪舍計二十二所。北津鋪。鉢壘鋪。曲灣鋪。柘溪鋪。九河鋪。庵坑鋪。長灘鋪。射箭鋪。灣田鋪。鵝鳩鋪。湯田鋪。以上一十一所。鋪。係海陽縣管。竹頭鋪。徑心鋪。黃土鋪。茶桑鋪。白沙鋪。羅田鋪。羅衣



鋪。硤石鋪。縣前鋪。周塘鋪。南口鋪。以上一十一鋪係程縣舊。三陽志鋪驛。州當開廣孔道。車蓋憧憧。殆無虛日。候館郵亭。從昔有之。惟郡將送迎使輅。巡按貴官。經由始加修葺。然大率支撐塗飾。以苟目前。供需責辦於正長。擾亦甚焉。自運使林公安宅新傳舍。太守傅公自修繕。賓館。凡過客使之。吏閱歲月。頽頹如故。紹熙壬子。運使黃公掄始以造廡。現摹撤郡營創。張公用成。建三廡於湖陽之黃崗。新運北山。榜曰光華館。賓客舍。僕馬具庖。福床榻。薦席器皿。新剪之需。無一不備。薄遊而至。如適其家。守以僧。給以田。環以民居。為慮速矣。間有汙敗室廬。糜毀器用。暴橫難禁者。僧得以經聞于官。而為之懲治。僕卒往往知懼。故廡速令猶始初也。自是潮惠之間。廡驛相望。慶元己未。林公嶧新鋪驛。而為廡者凡七。措置便利。視光華無以異。因漳而潮。東馳南驚。惟適所安。然城郭近地。官輟輻湊。雖有館驛。猶病無所容。嘉泰甲子。趙公師芳。更創濟川亭。越明年。復建朱賢驛。朱賢古驛也。歲久復廢。景定乙丑。游侯義肅。建湖陽驛。高明雅潔。允使者按部。郡將到罷。皆居焉。又修舊推官廳。為朱賢驛。而游宦入南者。皆有可栖止之地矣。凡鋪驛。則列于左。湖陽驛。在大街之西。游侯買地創建。行街在子城州門之左。鳳鳴驛。在大街之西。林侯壽公重建。

特朱賢已廢。遂移其扁於斯焉。歲久廢。游侯義肅以其地。俾劉同祖。建推官廳。而以舊推官廳。為朱賢驛也。濟川廡。在浮橋之東。賈祐甲寅。郡侯陳卿。煒鼎建。規模視昔有加焉。南州奇觀。在登瀛門之右。今廢。朱賢驛。在少微坊。歲久不存。淳祐丁未。陳侯士即故地。而立新館焉。又於南州奇觀廢址。別築一館。而東西行者各得其所。蓋舊亭在城南。昌黎廟之故址。沈公化建。以為迎送之所。丙寅重建。右在城。茅驛。黃梓鋪。孫侯叔注。移近民居。鼎創新廡。名以平福。米至廣十五里。有亭曰思古。鹿景庵。去州三十五里。曾侯重建。小江驛。今為庵。曾侯重建。紹定己丑。大帥方公深。增脩。九漣庵。去小江十里。曾侯重建。林姜鋪。今為庵。林姜亭。在浮岡。方帥建。黃岡驛。今為庵。方帥重修。竹林鋪。今為庵。孫侯叔注。重創。方帥捐金為取。分水嶺亭。方帥建。傍有小庵。右東路庵驛。冷水鋪。北洋鋪。竹崗鋪。三十里。青湖鋪。散湖鋪。春花鋪。蕉坑鋪。橫坑鋪。三十五里。過度千嶺。湯田鋪。十五里。右西路鋪。馬洋新亭。大帥方公深建。迎野鋪。今為庵。方帥重建。桃山驛。今為庵。方帥重修。門關鋪。今為庵。鹿景門新亭。方帥建。傍有小庵。桑田驛。今為庵。通湖驛。撫寧驛。今名鎮寧。十五里。光華中庵。十三里。飛來驛。四十五里。光

永樂大典 卷五三四三

華下庵。右南路庵驛。北路山徑崎嶇。便於舟行。並無鋪驛。已上庵驛。歲久弗支。陳侯主撥錢千緡。助臺閭脩造。惟濬川黃崗挑山三所。郡家獨力為之。費金錢一千四百餘緡。舊例橋道庵驛州縣責之。里正。里正。教之民。是時來役。舉而擾不及下居者。行者莫不使之。已上驛鋪庵亭。世變後皆廢。不復存矣。元混一區宇。制度更新。陸置馬站。水置船站。事急則馳馬。事緩則乘船。所差使人各有執地。聖旨劄于為憑。又於要會之地。設立脫腕。示孫專以辨驗真偽。以防詐冒。惟官府文書。則別置急遞鋪。內設郵長。司其承發。日時以防道滿阻抑之弊。設鋪兵若干名。以走遞文書。置郵之法。可謂盡善矣。今錄站鋪于左。在城水馬站。馬一十六尺。船五隻。海陽縣。黃岡站。馬八尺。三河站。船三隻。產溪站。船三隻。潮陽縣。縣站。馬十尺。武寧站。馬十尺。北山站。馬十尺。揭陽縣。挑山站。馬十尺。圖經志申明亭。計一百八座。本府。府前街蓋亭一座。三陽志。安養院。舊名養濟。自陳侯。見脩闢之後。歲久。邦人侵占。移其院於新溪外城之側。淳祐丙午。陳侯。因其頽圯。更創而崇廣之。門宇軒豁。廊舍周環。易以令名。而民之鰥寡孤獨廢疾者。有養也。其院舊傳。歲有租入。籍今不存。田亦難考。養濟院。開元寺後之廢庵也。慶元丁巳。陳公不

現脩闢之。以處遺塗之病患。及廢疾無告者。官為置厝。給其錢米。并療治之費。後林公。時每遇有死者。給錢一千。市棺以殮。公後與通判廖公。治明營度小江之平峯寺側。鼎創庵舍。分為左右。以處單寡。左以待有妻孥者。既撥公田。又益錢七百緡。增置以贍之。區處纖悉。登載于簿。三陽志。今也。於未。凱坊子。城側。以處孤貧老疾。不能自贍者。官給米。限於新。至冬。復給。即慶元間。林公。時與廖公。治明之所營創者。後廖公。持節本路。復增廣其規。歲久。頽圯。故址。僅存。紹定。已且。孫侯。以。其。為之。更創。以復其舊。益之。以公田。嗣是。脩治。不加。此。廬。復廢。淳祐丙午。陳侯。主。鼎創。根括。租輸。撥錢。四百貫。省買。園。歲收。租錢。四十貫。置厝。支給。往來。病者。粥食。湯藥。糗糧。之費。董以。緡流。由是。道途。有。疾病。者。得。比。棲。止。而。蒙。賑。救。惠。焉。

學校

圖經志。儒學。社。學。州。本府。學。在大街。東。後。文。坊。屬。縣。儒。學。四。文。廟。見。儒。學。三。陽。志。宣。聖。廟。廟。坐。落。於。縣。前。按。舊。圖。經。云。州。學。自。宋。以。來。凡。六。遷。初。建。夫。子。廟。于。治。城。南。址。慶。晉。間。立。學。于。東。江。之。湄。先是。陳。文。忠。公。咸。平。二年。停。潮。其。脩。學。記。曰。郡。之。西。郊。先。有。夫。子。廟。于。侯。九。流。徒。於。郡。治。之前。

# 永樂大典

卷五三四三

以是考之。則知廟亦屢遷。始者廟學猶未懸屬。紹興間徐侯璋遷于今地。廟學始並立焉。嘉定辛巳。攝守謝明之教授。清史重脩大成殿。仍新兩廡。從祀淳祐甲寅。教授呂大士。重建兩廡。嘉定癸亥。游侯表而教授黃若孫。重建大成殿。始易木柱以石。仍重脩儀門。郡助錢五百緡。餘取足於學廩之贏。若夫柱室舊在廟之東南。滿教授張清史始營之。一夕江流踰堤。衝突傾墜。僅存餘址。紹定己丑。孫侯以遺焉之重。架券砌護石六十餘丈。甃石立竈。屏不全備。廟之有樂。舊矣。春秋上丁。舉以釋奠。樂器不幸一經暴寇。再經鬱攸。考諸劉昉。秦唐輔修學記。紹興二年。琴冠猶猶。學當其衝。焚蕩殆盡。八年。舉火相望。六七年間。學舍荒陋。樂器淪胥。未有脩者。十二年。教官蕭田林寔。慨然興起。考古制。按音律。脩舊補缺。與湖士結習。二丁祭。執器登歌。用士人為之。迎神送神。奏設安寧。安奠。奏明安酌。獻俱奏成。安石因而曲有三升。殿奉同安。降亦如之。亞獻奏文安。終亦如之。今所存者。編鐘編磬。其數十六。琴自一弦至九弦者十。笙瑟鳳蕭。搏拊各二。湖學一新。士知古樂。教授林寔之力。原道堂西。報到猶存。昭然可考。歲月侵久。士失其傳。淳熙間。朱侯江代以樂工。紹定戊子。孫侯以始置雅樂。校正一頁。出所藏大常樂章參訂。其樂器樂章。雖朱孫二侯潤飾之中。更廢

永樂大典卷五三四三

三十五

墜。賴以獨存者。教授林公之幼居多焉。諸生因祠而祀之。存祭樂。祖于賢宗。遺意示報本也。獻官祭服三襲。趙侯思芳。依頌降制度。更造。及執事生負祭服二十有三。祭器之屬。甯以銅。姑暴以錫。為數凡二百五十餘。曾侯鑿休。朱文公釋奠新儀所製也。蓮豆尊。祖凡三百有奇。孫侯以錫。捐金修之。殿上尊。蓋置豆。姑音以木。為頗易辨。教官呂大圭。易錫以錫。文質相稱。至是大備矣。祭服更製於趙侯師芳。歲久多弊。而分獻官之服尤甚。陳侯主以其勿稱。淳祐丙午仲秋。捐金改造。造丁未秋。丁祭前。又改為三獻官祭服各一襲。執事祭服。實祐間。教官呂大圭。從而一新。間慶已未春。刑部林侯光世。更製初獻祭服。習樂士人。不深衣。曳方履。丁祭之夕。步武趨。躡。威儀整肅。文物益可觀矣。湖之大成樂。政和間。頌降也。紹興兵火。樂器散缺。教官刑定。林公寔。情舊起。廢樂。賴以全。暇日。頌諸生習而歌之。孔堂絲竹。幸有遺音。至今二丁祀。得以備他郡所無者。刑定力也。淳熙間。朱侯江易以樂工。紹定戊子。孫侯以始。命士人專充雅樂。校正樂工。奏樂如故。僅能考擊金石。琴瑟。噴篋。笙等。特虛器。實祐戊午。刑部林侯光世。以刑定。嫡傳。洞曉音律。丁祭前一月。出示家藏。刑定手澤。本樂章。謂與樂乃育子之教。用伶人非所以祀先聖。命郡博趙崇。郭與諸生。備



習。特登歌奏樂者三十四人。音譜詳見祠堂石刻。外置田入學。所制定祠堂庫為習樂生員康給費。職事習樂者優異。以示激勵。樂初成。侯領察屬。寓公按閣而訂正之。習樂者由是益精其能。丁真之夕。冠佩濟濟。雅頌洋洋。高下疾徐。抑揚中度。剛定之遺響復振矣。大成殿。禮星門。舊以木為柱。屢壞。郡博士趙崇邦更以石。遂可垂不朽云。大成殿。橋。舊以板。郡博士呂大士易以石。至順壬申。徙于教授司前。以上廟制。樂器皆廢。至元十五年戊寅。大兵破湖城。廟樂器祭器。祭服。悉付一炬。獨書閣。歸然如昔。靈光。抑天之木。喪斯文。耶。遂二十一年甲申。丁侯聚衆守郡。命郡人林元。埋王伯老。同攝學事。遂刷草萊。并瓦礫。備講堂十齋。郡學正張智。而董俊。艾廟猶未有也。二十九年壬辰正月。成府王侯。宏買五虎陳呈宅。以為正殿。五月。憲僉張公。處恭。分治來湖。命郡人鄭必大。董俊。儀門。兩廡。配祀像設。無不備具。公又慮久遠。無以為飾。葺費。為置湖陽田四百畝。歲收谷四百石。名之曰新廟田。張公之謀。可謂宏遠矣。至大四年。教授方時。發捐已鈔一百卅二錠。進祭器二百二十四件。皇慶元年。學正朱安道。造樂器五十四件。後朱深。道請樂正。與諸生。肆習。製橫頭。唐中。華帶。以與諸生。執事。行禮。自是。丁祭之夕。禮樂備矣。恭定元年。教授何氏。先得石柱三十

六樂大典卷五十三百四十三

三十六

根。欲改作禮殿。不果。詳見石柱。祀天曆己巳。本路判官小云。赤海牙。慨然捐俸。率衆命學正劉貢。珍。市材。鳩工。並成其事。諸生請遷于學右。以崇聖人之居。明年庚午。春正月。立柱。會憲僉任公。仲琛。巡按。承湖。乃率官吏。捐俸。儒人。助金。以為費。僅成一正殿。而先聖像。猶未建焉。至順辛未夏。亞中大夫。彞吾。寧軒。王侯。元。亦來守是邦。命工如法。粉飾正殿。建兩廡。砌墀。陰新。聖師。從祀神像。整櫺星門。結泮池。堊橋道。其費。浩大。學原。莫供。王侯捐已。俸鈔九錠。又率官吏。各捐俸。以助焉。舊時。民居。環廟。學。逼近。汗穢。甚為。褻瀆。前政。未有能去其不使者。公下車之初。即命。居民。撤其室。廬。以地。還學。周圍。新築。粉墻。八十餘丈。初。思賢堂。於西廡之北。初。見賢堂。於東廡之北。皆教授。從道。李復。董其。役焉。由是。宗廟之美。百官之富。宮墻。數倍。煌煌。輪奐。皆。寧軒。王侯。之功也。湖之人。士。作歌。詩。以頌。侯之德。蓋。風化。所繫。人心之所同。樂也。歌。詩。元。木。集。思。樂。亭。教授。朱深。道。任。內。建。舊。在。學。前。今。作。廟。於。舊。學。地。則。亭。在。廟。前。矣。櫺。星。門。郡。守。寧。軒。王。侯。撤。而。新。之。教授。李復。董。復。董。復。正。三。門。五。間。上。即。萬。卷。樓。本。欲。撤。為。儀。門。以其。經。兵。火。而。不。災。故。者。老。以。為。斯。文。之。場。遂。不。敢。毀。大成。殿。一。座。五。間。舊。殿。乃。五。虎。陳。私。宅。府。判。小。云。赤。海。牙。鼎。初。未。究。郡。守。寧。軒。王。侯。繼。成。之。教授。李。復。學。正。劉。貢。珍。

董役東西從祀兩廊十八間。郡守寧軒王侯鼎鼎併新塑神像。教授李復董役祭器房在東廡之上。樂器房在西廡之上。廚房三間在東廡之西北。並教授李復修建。李舍三傳志。湖自有郡以來。與學並置。世代更革。莫究其所。唐元和十四年。韓公出刺是邦。請置鄉校。曰。此州學廢日久。則前乎此。固有學。持未有振起之者。按徐師仁創學記云。李舍舊在西湖陰。陽皆以為不利。元祐中。王侯祿雖有遷徙之議。病其難而未暇。王公大賈遷學記云。湖之學。凡四遷。慶曆中。建學于東江之濱。元祐四年。徙于西山之麓。七年。遷州之東。維按舊圖經云。建炎初。元有青龍神霄宮。其宮故廣法寺也。明年。方侯略即宮為學。四年。編流請復舊制。且願增治故學。張侯恩永兩復其舊。紹興二年。學火。奉唐神記云。十年。舊圖經云。八年。今從劉坊記。越四年。徐侯璋乃遷于今地。至周侯昕實克成之。二十一年。教官楊宏材以其弊。隨意欲修。而力未能。是歲八月。辛侯元振出公帑之余。鳩工市材。越明年九月。郡二阮公珪相與協贊。復為一新。嗣是隨時繕治。非一學之中門。御書閣。其上諸職事。位于兩廡。講堂中峙。名曰原道堂。之後直舍在焉。翼以正鋪位。齋舍旁列于東西。淳熙己亥。朱侯江新作三門。已酉。丁侯允元敬直舍。更創六齋。教官李泳易齋名。浚源曰。彙征。閣中曰。兼善。

永樂大典卷五三四三

三十七

進學曰。拔允明誠曰。上達。力行曰。崇志。登俊曰。騰茂。谷銘其命名之意。慶元戊午。林侯燥增二齋。曰升俊。曰立義。隸于學之西。偏嘉定戊辰。沈侯植重建御書閣。比舊現為優。嘉定壬午。曾侯噩復脩之。更升俊立義二齋。北其向。與仰韓堂對。堂乃縣之舊學也。自遷貢院于北郭外。即院之舊地。東西六千尺。南北四百尺。為學之前街。先是。教官鄭墳砌以石。嘉定癸未。教官張渭史旁植以槐。後為居民侵焉。葉讓旁積。寶慶丁亥。教官陳宣子以前街密通於奎閣孔廟。穢而勿治。非尊君崇師意。請于權郡李文伯。撥公帑築墻以護之。南北立華表門各一。紹定改元。孫侯叔謹以上達彙征。崇志兼善四齋。頽剝日甚。捐俸重創。現模宏敞。林直院岳記之。御書閣嘉定戊辰。沈侯植重建。年深屋老。覆屋是懼。淳祐癸卯。教官林經德捐已俸。學職生負相率。助金撤舊而新之。傑閣崢嶸。衆章輝燦。視昔有光焉。原道堂重創於紹興間。歲久棟橈。葉經補葺。漏隨之。淳祐丙午。陳侯圭捐俸鳩工。撤其瓦桶而一新之。八齋。自丁侯林侯創締之後。歷歲既久。多就頽圯。彙征兼善尤甚焉。重以增置教官支費倍。而事分無有過而問焉者。教官趙良臣。祗任以修治。學舍乃掌教者之職。不以學帑窘迫為辭。遂與薛教積飛白于郡。殿講農柳年。滌嘉其請。如其成。更新易舊。興什植。優。



大加整葺而舊觀復還矣。直舍自淳熙已酉。丁侯卜初之後。屋老且壞。遇丁祭群侯至。僑寓學職位。實祐乙卯。郡博士許夢炎微而新之。甬路一紀。樞柱傾欹。凜然欲廢。咸淳丙寅。殿講車所滯。以丁祭宿齋。至命二教趙良。陸薛慎。飛重加修葺。遂復舊觀。小學。舊在舞雩亭之址。慶元己未。沈侯祀所建。嘉定乙亥。權郡鄭震之。教官丘迪。嘉遷於直舍之左。既而又遷於仰韓堂之右。實祐戊午。教官趙崇。郭改初為。未葺亭。與教官廳事對峙。泮水。迨其後。趙教崇。郭所增脩。公厨之建。其來舊矣。郡博士趙崇。郭以屋老將廢。並行改建。閏歲既久。雨水滲漬。樞柱腐壞。適者危之。咸淳丁卯。教官趙良。陸既請于郡侯。年卿與舊趙廢。乃命工鼎新之。而氣象視昔有間矣。射圃。在直舍之後。結定改元。教官陳宣子所創。歲久荒蕪。教官趙崇。郭命工開闢。中立亭。扁曰君子。取吾夫子無所爭之意。三陽園。志以上學舍齋堂。兵火後皆廢。兵革之間。學士經生逃難解散。至元二十一年甲申。乾清冲夷。此邦始建學校。後亦累加脩葺。天曆庚午。訓導唐謙受陳士榮。魏家養。請于權府判官小云。亦海牙。謀遷。先聖廟于明倫堂之舊地。府判公從其請。遂起新廟于今地。以舊廟為今明倫堂。以從祀兩廡為六齋。曰常德。曰守中。曰育材。曰進德。夫學生負居之。曰說禮。曰興賢。小

水樂大典卷辛言四十一

學生居之。規模宏偉。視昔有加矣。明倫堂一廡。即舊廟額屋一廡。七間。杏壇一區。在明倫堂前。儀門五間。東西兩廡二十二間。為六齋。以上。並係郡守王寧軒教授李復任內修整完備。司書王公壽監修。湖學。過年殿宇堂陛前後。教官相繼修造。整整可觀。崇德星門以木為柱。再易再葺。明倫堂本夫子舊殿。日久棟橈。幾至頽頹。兩廡從祀。遮陽未備。書樓一翼。朽折。教授司廳一所。廢甚。教授三山鄭輝。自到任。來以學校為心。一一扶傾起廢。立樞星門。以石柱者六。易明倫堂。以新柱者五。教授司廳。書樓一翼。從祀遮陽。並手偕作。已見完成。此亦有功於學舍之一端。是不可以不誌。三陽志書籍。郡書舊數十種。歲久浸滅。多不復存。今以見管及新刊者列之于左。大字韓文公集。并考異一千二百板。中字韓文公集。九百二十五板。通鑑總類一千五百板。漢高一百九十板。蔡端明集六百五十板。趙忠簡集四百三十五板。陳內翰宗石徐孝女。北門集三百二十板。三山王訓齋集一百二十板。許東湖應龍集二百二十板。續談助二百七十板。諭俗續編四十板。林質良草範五十板。新脩湖陽園經古瀛乙丙集三百二十五板。大字韻略一百板。藥方五種。瘴論三十板。備急方三十板。易簡方九十板。



永樂大典

卷五三四三

治未病乃九十板 癰疽秘方四十板以上書板並留郡 濂溪大成  
 集四百板 呂氏大士 孟子說三百二十板 呂氏大士 春秋集傳  
 或問六百板以上板留濂溪書院 朱文公論孟或問六百板 朱文公  
 中庸輯畧一百八十板 朱文公家禮一百七十板 北溪字義一百三  
 十板 呂氏易集解三百二十板 孝經本音九十板 三陽講義一百  
 板 陳平湖膠髓集一百板 陳平湖中庸大學太極通書說共七百五  
 十板以上板留郡學 新刊元城劉忠定公集一百八十板 春秋辨傳  
 二百五十板 牟心齋讀史詩古濂丁集五十板三陽圖志學廉 按韓  
 公請置柳校牒曰自出已休以為舉本收其贏餘以給生徒厨饌當是時  
 養士之費州自給為末朝以來庠序大興教養日盛州撥田肆于學歲入  
 以充學餼其見於舊圖經祇云元祐間王侯將貴少增其數而多寡俱莫  
 可攷自曹侯登而後所撥之田其載于籍養士舊額百有二十人丁侯允  
 元增五十人今增至一百八十人遂為定額歲當大比外增二十人自曹  
 侯注始每科郡二百石以助其費聘學田租今始歸舊數仍請其所未載  
 者 元符間曹公登撥田各種六百二十石三斗芒田七十餘石未墾納  
 白米三百五十四石八斗六升準稅錢一千六百一十貫八百二十一文

永樂大典卷五三四三

三十九

足山埔園地等稅錢在內據本學耆老儒人稱此項田元係泰二娘捨入  
 小學生浴海陽管下存浦盤營鷓鴣潭等處 開元寺等處房廊地租錢一  
 百四十四貫八百一十六文足淳熙庚子黃公定撥田九十七石九斗六  
 升稅錢四百三十六貫六百一十文足乙巳黃公杞撥田八石五斗稅錢  
 二十四貫四百一十文足庚戌丁公允元撥田三百六十五石五斗稅錢  
 六百五十四貫三百八十四文足麻一十六石五斗紹熙辛亥張公用成  
 撥田三石三斗稅錢一十四貫四百五十五文足癸丑沈公宗再撥田二十  
 石五斗稅錢六十五貫六百文足慶元戊午林公埒撥田三十石三斗稅  
 錢七十九貫三百文足又臨交代之時以舊例額船乘載行李錢三百五  
 十貫撥入學買外莆田六石四斗先兩新齋養士之費庚申沈公杞撥小  
 學田稅錢二百一十貫文嘉定辛酉趙公謚撥田七十四石六斗稅錢一  
 百六十貫七百六十六文足嘉定戊辰張侯錫撥田三復等田各種六石三  
 斗除一半荒外每歲租錢三貫五百二十文足嘉定癸酉黃侯自來撥方  
 且柳等田各種五斗每歲租錢三貫二百文足庚辰陳侯德撥田各種五石  
 媳婦林氏田一十四石紹定己丑七月孫侯叔謹撥林籍田各種五石  
 八斗每歲租錢二十貫三百文足又貢士劉光宅狀告就連次華所置南

街五板山與方復亨占皇山八所相連亦被攔占願撥入學又有八所  
 山先是豪民方復亨占皇山八所相連亦被攔占願撥入學又有八所  
 山廣袤數百里連跨三州豈容豪民所占行下本州成約不許方復亨占  
 據如敢違戾當科累年累占計賦之罪孫侯遂以兩項山並撥隸于學抽  
 收山稅木植以為修郡庠之用申部照會瑞平甲午葉侯觀撥楊真  
 子與黃男爭沙洲田計二百單二畝五十九步又撥阿黃與新國光爭田  
 五斗又撥陳伯脩納長洲田九十六畝二十七步瑞平乙未有方復亨男  
 雷姓以戶部前後看定文孫侯所申一宗文字在部因遺漏無可考證遂  
 用計謀計較部符下行本州結絕學職黃子楸等列詞其山自紹定已  
 七月準符侯公文撥以贖學雷招人請佃至乙未歲已經六年方復亨已  
 不敢侵占而方雷壯復妄有詞列官趙汝瑞索到本學干照看定撥呈葉  
 侯慨然移文仍舊以五坂山係劉光宅所買有產之業合撥贖學外方復  
 亨八所之山為吏輩受賄隱蔽影呈乃還方雷壯然與其資豪右以擾民  
 孰若歸學校以養士利害輕重不較可知但方雷壯得此寧免後來紛紜  
 之訟終亦必歸于學洵祐丙午陳侯未撥黃文達冒占海陽縣學蟹溪船  
 洲坑等處官山延袤數百里為人吉首悉拘入官憲與縣齊作弊仍前侵

六學大典卷五十三百四十三

四十一

占遂歸于郡庠每歲招人請佃隨租入之多寡與縣學均之景定癸亥游  
 侯義肅撥陳庶揭陽浦尾蟹後下塘田共五石四斗以上稅額與今不同  
 兵火後賸學田土山薄契無存稅額虧損或為豪右所購僧家所占又  
 否則為富者據佃其租入學者僅得十之一二耳至元甲午憲使張公茂  
 恭分治來湖以修學餘資買潮陽韓英等田四百畝計收租四百石其田  
 段且在碑陰繕置田三十三畝七分該收租谷陸拾石以為修葺廟學之  
 費外有貢院地基及學左右地租錢鈔四錢有奇令錄見在實數于左  
 米四百一十七石二升 鈔壹百叁拾肆錢叁拾兩柒錢伍分 新廟  
 租鈔玖拾貳錢叁拾捌兩 貢士在鈔肆錢壹拾柒兩伍錢 一泰定三  
 年九月日本學用新廟租錢壹元折中統鈔陸拾貳錢柒兩五兩到在城  
 許汝玉戶田二十三畝二分該租谷四十石坐落錄事司登瀛保等處新  
 舊契據通計紙二十八張 錄事司登瀛保東湖村 田一段坐落土著  
 後安山計三十五坵各種一石該租谷四石傳東二十三耕東至溝及黃  
 家田西至林家田南至黃家田北至溝及黃家田 海陽縣大和保白蓮  
 湖村 田一段坐落新溝墟計五坵各種一石該租谷三石五斗傳吳十  
 畔東至趙家田金照磨田西至莊家田今黃家田南至蘇家田北至陳家

田一段坐落白蓮湖山前計七坵容種一石五斗該租谷六石五斗  
元林大五耕東至陳家田西至蔡周家田南至洪家田及溝北至山田  
一段坐落山邊湖頭計二坵容種一石二斗五升租谷五石五斗孫大三  
畊東至溝及蔡家田西至溝南至蔡家田北至溝田一段坐落陳桶壠  
計三坵該租谷三石二斗五升元係吳廿四畊以上俱係吳十畊東至陳  
家田西至許家田今蔡家田南至陳家田北至陳家田田一段坐落湖  
頭計一坵該租谷五斗元係李大三畊今周承畊東至蔡家田西至車  
溝南至車溝場北至溝上浦保橫魁村田一段坐落東洋計六坵容  
種一石五斗該租谷六石元係鄭定元耕今董進養耕東至溪心橋頭西  
至大埤壠南至董家田北至許家田今李家田田一段坐落壠頭吳家  
門西田計四坵容種一石租谷六石五斗係湯萬三耕東至思長泉地西  
至池溝及人行路南至吳家田北至王家田田一段坐落橫壠倉前東  
詳計四坵該租谷七石五斗郭十一黃十一畊東至河心溝渡西至許家  
田車溝南至鄭家田北至溪心泰定四年七月內本學用新廟租錢至  
元折中統鈔二十九錠三十五兩貢到江東保蔡有敬承故妻父梁大用  
戶田一十畝五分坐落楊陽縣二十六都三榜港邊等處該租谷一十九

永樂大典卷五千二百四十三

四十一

石八斗立籍錄事司契據等紙共計八張揭陽縣二十六都田一段  
坐落三榜港邊官後一大坵容種五斗該租谷二石係陳大田畊東至蘇  
家田西至港南至本學田北至林家田田一段坐落三榜港邊計一大  
坵容種四斗該租谷二石係十畊東至蘇家田西至港南至林家田北  
至林家田田一段坐落小浦邊南洋計四坵容種二斗五升該租谷通  
侯二石係陳三佃東至楊家田西至楊家田南至港北至楊家田田一  
段坐落小浦邊李家宅計一小坵該租谷通前該二石俱係陳百三畊東  
至蘇宅田西至溝南至溝北至楊家田田一段坐落大浦邊南洋計二  
坵容種四斗該租谷二石係翁大二畊東至孫家田今吳家田西至託家  
田今吳家田南至路今吳家田北至黃家田田一段坐落陂內計三坵  
容種三斗五升該租谷二石五斗係陳百三畊東至寧福庵田西至本學  
田南至溝北至本學田田一段坐落陂內計二坵容種一斗五升該租  
谷捌斗係劉三十一畊東至溝西至陂南至本學田北至陳家田田一  
段坐落橫清橋頭陂腹內計二十二坵容種一石該租谷五石係陳大三  
耕東至路西至溝南至溝北至吳家田田一段坐落小浦邊李家宅  
該租谷五斗係黃大一畊東至溪西至楊家田今許家田南至蔡家田今

永樂大典

卷五三四三



楊家田。北至林家田及溪。田一段。坐落橫清人家。邊計三坵。該谷五斗。係郭大二畝。東至路。西至本學田。南至黃家田。北至楊家田。田一段。坐落橫清人家。前計五坵。谷種二斗五升。該租谷五斗。係林師清明。東至本學田。西至本學田。南至黃家田。北至吳家田。田一段。坐落橫清人家。前計三坵。谷種二斗五升。該租谷五斗。係陳翁明。東至本學田。西至本學田。南至黃家田。北至吳家田。

貢院

三陽志貢院 試進士以來。開貢院于城北之五里。建炎間。火為草寇。每遇賓興。旋梓浮屠居。為旬月計。歷七八詔。迄無定所。紹興二十年。謝侯奉乃營郡學故址而院之。特試于有司者。不逮二千人。已覺其隘。越一舉人數益登。守陳公考則停張公勉相與協力。再開復廊於東。其長與故東廊等。間數舉又不足以納郡士。乾道六年。曹侯江乃撤考官位為解試所。外開戶室為考校地。紹興間。張侯用成。增架中書橫屋者三。後趙侯謚以中庭逼窄而撤其一。沈侯宗禹又開西偏地。增創西後廊。州自舍法特。歲貢八人。大比歲十人。總三歲二十六人。及罷舍選置科舉。每詔以二十人貢。較於往時。實損其六。淳祐改元。試士僅三千人。至嘉泰甲子科。中場四千

永樂大典卷五十三百四十三

四十二

餘人。自後人物日盛。地窄無以容。嘉定間。守陳公憺俾趙公善連。乃遷於北郭之外。東西南凡三門。分為東西者各三。橫界于考官房之後者亦三。監試考官計六房。為中堂扁曰萬桂。彌封勝鋪二院對立于第二門之外。門度軒豁。廊廡寬舒。鼓勇而前者無踐踏之患。連案而坐者無填委之苦。西山真公德秀為記。田是而後終場之數日。增於昔。至戊子舉。已六千六百餘人。而地勢僻。士尤不以為便。劉侯用行欲遷。復而迫於授代。撥公帑二千為倡。曹侯天麟繼之。合衆力以迄于成。外開三門。中砌三衢。翼以彌封勝鋪二院廳事。中峙監試主文與四考官各有位置。東四廡。西二廡。而試席終以窄隘為病。庚子詔。遂通郡學。直舍後。加橫廊者三。嗣是累科。用仍。淳祐甲寅。全侯昭孫再開西畔二廡。遂與東廡等。然試之日。雖不置直舍。後橫廊而通學。如故。景定甲子。游侯義蕭。以通學試士。齋廡堂廡。多為之。蹂踐非便。迺揭三門。連至平準。遷善二坊。復就外各架東西四廡。以聯樓之。自是應試之士。坐案從容。無有迫窄之患。戶部徐侯明叔為記。今廢解額。潮。風號。文物之邦。自罷舍法。置鄉舉。每詔以二十人貢。端平御札。普增諸郡解額之窄者。遂以辛卯科。終場數參考增二名。然視舍法時。已減其四。自是就試者日益衆。今終場至萬以上人。司文衡者。每以遺材

# 永樂大典

卷五三四三

為數。樞密包公既得。請于朝。乞增十名。得解額。皆增一名。不無望於方來者云。今廢。

## 祠廟

圖經志九賢祠。在朝廟東。今廢。三陽志八賢祠。舊在湖山之顛。沈侯祀始創之。八賢乃天水趙先生德。草範林先生榮。賢良許公中。真講盧公。側金紫劉公允。遠遊吳先生復古。新州守張公夔。尚書王公大寶。皆邦人以德行。即義著名者。每歲之春。郡遣其屬祭之。八賢子孫皆預陪拜。嘉定十五年。曹侯遷于州治東南之堤外。紹定二年。孫侯以其地逼近稅務成廨。非專賢之所。遂卜韓廟之左。而遷焉。立亭於前。扁曰海山風濤。取韓公別趙子詩語也。邦人黃夢錫記之。文見古瀛丙集。三陽圖志。今泐。地名十為九。皆圖經志馬侯發祠。在校官東偏之室。今廢。三陽志賢守祠。在大成殿之左廡。蓋曹侯登黃侯定。丁侯九元。陳侯宏規。林侯味。沈侯化。黃侯日。曹侯垂。孫侯以。陳侯圭。皆有功於學者。今廢。心齋先生祠。在大成殿之右廡。咸淳丙寅。殿講半。御泐宋守。修學養士。除賊賊奸。邦人士德之學校諸生相與立祠焉。今廢。三侯祠。在韓廟之側。乾道三年。曹侯江以郡治之左。有溪湍流。東西相距。綿亘五里。往來病涉。假

永樂大典卷五三四三

四十三

舟而濟。一遇風濤。多遭覆溺。始於中流。荒石為洲。東西編為浮梁。行者便焉。始立祠於登瀛門之旁。淳熙十七年。丁侯九元。又自溪之西岸立石洲。五易青為梁。而屋其上。邦人得之。及侯新作韓廟。乃相與即廟而生立祠焉。嘉泰改元。判官曹念始遷曹祠于今地。與丁侯並。其後孫侯叔。汪為政。有德於此。邦人相率立祠於二侯之側。今皆廢。刑定林公祠。在郡學仰韓堂之側。林公名寔。紹興十四年。典教于此。當兵火之餘。新學舍。課推樂校定。御書孝經。頒示生徒。諸生立祠於大成殿之東廡。寶祐戊午。公之孫光世。來為守。遂卜地改創。且捐俸市田。隸于學。及董山院所撥園租。歲入五百七十貫足。冷水坑田谷一百二十石。俾掌計者司其出入。以其餘充習樂生徒。二李原食。今廢。水村先生祠。在西湖。今廢。游侯生祠。在濟川橋。景定三年。橋廢于颶風。游侯夔重建。邦人即其地而祠焉。圖經志趙豐公鼎祠堂。在名賢坊第三街。三陽志二相祠堂。在光孝寺之左。唐大中間。李衛公德裕嘗為司馬。宋紹興間。趙豐公鼎來寓。是邦人慕其勲名。德望有祠。舊矣。慶元初。沈侯祀更創。嘉泰初。豐公之孫趙侯謚重。闢其堂。仍嚮田。歲收所入。以奉香火。每歲春秋。郡遣其屬致享焉。又有得金堂在少微坊。蓋豐公來朝時故居也。淳祐丙午。陳公土撥錢重修。

祠堂其楹括勢家冒占園地稅錢五十千足委郡學司歲租之出入至今  
 香燈之來甚整陳文惠公祠二一在伴治之後二在郡洋仰韓堂與韓公  
 主祀今並廢二公祠堂在金山之後乾道八年守宋公郭書倅來公嘉祐  
 以江流洶湧隄決而西民居漂蕩傷乃築堤增廣舊基延袤八十餘里民  
 忘其惠遂肖像而祠焉今廢州之有祠堂自昌黎韓公始也公刺湖凡  
 八月就有來州之除德澤在人久而不磨於是邦人祠之亦畏墨之民組  
 豆尸祝庶桑楚之意宋咸平二年陳文惠公倅潮立公祠於州治之後元  
 豐七年詔封昌黎伯元祐五年王侯倅乃立廟于州城之南榜曰昌黎伯  
 廟則以廟易祠矣繼是邦人或因守倅之美政足以感人心寓公之高行  
 足以激流俗皆為立祠以為後勸云元一統志昌黎伯廟韓愈元和中  
 貶為州刺史至今廟食宋元祐五年封昌黎伯廟舊在州後又移水向東  
 坡作碑陳文惠公先位守郡日為韓公祠為文以招之名曰招韓詞

書院

圖經志韓山書院在城日西南三陽志做四書院之創地在州城之南乃  
 昌黎廟舊址也淳熙己酉丁侯允元遷其廟于水東之韓山其地遂墟三  
 陽圖志以漢東之山乃韓公登覽之地于植木在焉昌黎子植像木地山

水樂齋卷五十三

四十四

所無土人于為韓木慶元己未沈侯祀即墟中曰五賢淳祐癸卯鄭侯  
 良臣以韓公有造于潮書院獨為闕典相攸舊地而院之外敞二門講堂  
 中峙扁曰城南書莊後有堂扁曰泰山北斗公之祠在焉考立天水先生  
 趙德像翼以兩廡四闢齋廡曰由道曰行義曰進學曰勸業山長堂最位  
 于祠堂之左右倉庫庖廡靡不畢備復撥置田畝山地為廩士之費  
 租人附于學庫收支董以俞蕃洞主郡守為之山長郡博士為之職事則  
 堂長司計各一負齋長四負齋生以二十負為額春秋二試則用四書講  
 義堂計齋職以分數升黜一如郡庠規式春秋二祀則用次丁郡率僚屬  
 以牲帶酒醴獻工歌東坡祀公之詩以備之此書院創始之規模也淳祐  
 乙巳陳侯主以復齋煥嗣來守是邦尤切加意春秋課試親為命題講明  
 四書及濂洛諸老議論以示正學之標的捐金市米文公所著書實于書  
 莊與士友共切劘之又刊復齋所書仁說于二壁以廣諸生之見聞撥錢  
 一千五百貫置田益廩增塑周濂溪廖德漢二先生像並祠其中以濂溪  
 侍郎本路槎溪書倅比鄰繼而為本路憲帥威德至善至今使人不能忘  
 也三陽圖志越路之東對望有亭曰南珠祀本郡九賢也人名見後至元  
 戊寅兵火後亭院無遺迨二十一年甲申後建書院山長一負以主之



後立夫子燕居室于公祠之前。神位皆西坐東向。因地勢也。泰定乙丑。仍  
構廟于書院。燕居之南。從公之舊祠遺像。北坐南向。至順辛未。夏。郡守亞  
中大夫寧軒王侯元恭始至。謁祠周旋。顧瞻。謂諸生曰。夫子西坐東向。文  
公背夫子而坐。又且面浮屠之鐘樓。次序位置。皆有未安。非所以尊聖賢  
也。即議改砌新祠。遷公像于燕居室之後。以天水先生趙公德。文惠陳公  
先佐。坐堂上。左右配享。兩廡之東西。則以前代賢守王侯濂。李侯邁。丁侯  
允元。廖侯德。明。鄭侯良。臣。林侯壽。公。陳侯圭。從祀。所以表有功也。書院之  
前。復砌舊南珠亭。祀本郡九賢。所以崇有德也。書院後有池。廣十餘丈。深  
亦丈餘。復僦工填塞。建堂於其上。扁曰原道堂。之兩廡。闢二齋。西曰由道  
東曰進學。以為諸生肄習之所。至是規模弘遠。皆郡守寧軒公之功也。董  
是役者。海陽宣差忻都山長陳文子。直學郭宗蘇。圖經志元公書院。在  
太平橋東。陸文坊邊。三陽志淳祐己酉。內諱兵部周侯梅。叟所創。侯森。陵  
人。以迺祖濂溪先生。熙寧三年。謫廣東。四年。就領憲節。湖為屬郡。延歷至  
州。有題大顛室詩。筆跡猶存。於是為立書院。相俅。辟序之西。割教官公廨  
之半。砌石為橋。堂曰邊道山長堂。長位於祠之左右。其外。故二間。扁曰明  
通公。淳。皆侯筆也。齋廡有四。曰中正。仁義。祠曰光風。霽月。書院。與祠。額端

明趙公希堅書之。命直學許希剛等董役。規模與韓山書院鈞。春秋二試  
同日異題。教養生員二十有三。職事自長計而下。有十客。通州學講說課  
試。一如學規。山長以教官兼之。堂長則擇其文而學者。充焉。矜佩來游。蓋  
為講明義理之學。非徒肄業于業。搜科第。謀利祿。計市書藏於書院。司書  
職之。又刊元公文。全秩以廣其傳。周侯之侍後學至矣。合二程橫渠。朱文  
公詞。以道學淵源。濂溪倡之。諸賢和之也。初。祠堂通於行衙。湫隘。行禮無  
所容。郡侯陳煒。聞而廣之。郡博士呂大圭。記龜于壁。始砌書院。思乎守業  
斷。先生黃必昌。記之也。湖二書院。他郡所無。文風之盛。亦所不及也。三陽  
圖志。至元戊寅。兵火郡泮。與昌黎。安靈之地。悉付一炬。獨元公之宇。如魯  
靈光。後。推為學。移而為廟。至元壬辰。憲使張公。虔恭分棧來湖。砌文廟。太  
守陳侯祐。復移廟而後為書院。同知蒼侯傑。文實。繼作之。至順辛未。亞中  
大夫寧軒王侯來守。是邦。視書院之前。民居雜跡。汚穢。聚積。甚非所以尊  
先賢也。即命撤之。環以粉垣。仍改砌兩廡。飾正堂。輪奐可觀矣。三陽志  
韓山書院。原田。淳祐癸卯。郡侯良。臣。撥錢九百貫足。買周公吳等。大和  
保田一十一石。稅錢一百單九貫足。又錢四百貫足。買趙崇。實。翳。溪。田八  
石。稅錢三十九貫五百五十足。又錢七十貫足。買龔氏。上水田三石。稅錢

# 永樂大典

一十五貫足。又錢一千一百七十貫足。買夏侯元英斗門地田二十石五斗三升五合。稅錢一百一十六貫四百六十足。又錢五百五十貫足。買劉氏揭陽縣源浦客洞田七十三石四斗。稅錢六十六貫六十足。又錢九十貫。買僧有惠溪東田一石八斗。稅錢一十貫足。又錢三十貫足。買許奴開溪東田大小四拾稅錢三貫三百足。又錢四十貫足。買阿塘溪東田一畝。稅錢四貫足。又錢六十貫足。買許氏大和保田三段。稅錢六貫足。又錢二百六十二貫足。買林氏白水田三石三斗。稅錢一十二貫五百足。又錢一百二十貫足。買吳氏斗門地稅錢十二貫足。又錢七十五貫足。買臨安寺溪東田二石。稅錢八貫足。又撥楊連父沒官東菁塘洋田七石五斗五升。稅錢三十五貫五百八十足。平林田六石二斗。稅錢二十一貫七百足。平林馬鞍田七斗。稅錢二貫一百足。蔡塘溪邊田四石七斗五升。稅錢一十四貫足。溪東湖板田五石七斗五升。稅錢七貫足。又撥陳士貴沒官木綿田九斗。稅錢四貫五百足。又撥柯榮沒官鳳樓路口山一所。稅錢一貫足。又撥方惟一戶絕賣坑園田一十石。稅錢二十四貫足。又撥水東韓廟舊管田三十二石一斗地三所。開埔四段。稅錢一百一十五貫一百四十足。就內每月撥錢四貫足。付守廟人充燈。余錢添續行供。淳祐乙巳。林侯壽

永樂大典卷五十三百四十二

四十六

市蹟

輿地紀勝義昭縣。向越志云。義安郡有義昭縣。晉漢人營也。義熙元年立為縣。永初元年。移上郡之馬。海寧縣。向越志云。在郡之東六里。西接東官縣。龍首山。龍溪山。龍蛇水。自此而出。為綏安縣。向越志云。在郡之東十里。海道也。東接東州。昔安縣界。北連山數千。日月星辰。皆建德代末。以高舟船之疾。又接安縣北有連山。昔越王延德伐木為船。其大千石。以重男。女三百人牽之。既而船俱墜于潭。時聞得船者。有唱喚前進之聲。來往有舟。中絕地船制。侍郎亭。在州東山。昔黎登覽舊地。俗呼侍郎亭。又曰韓亭。丞相嶺。唐丞相李常春為刺史。得石。有題詩者曰。有唐常春刺潮陽。南出龍川。碑路長。自此中為丞相嶺。茂林修竹。有碑。思韓堂。見潮陽舊圖。仰韓閣。閣在江之西岸。以鎮江流。名仰韓閣。越王走馬埭。去潮州五里。平垣可容數百人。九城志。三陽志。偽劉據有南海郡。今廣州也。潮雖在

永樂大典

卷五三四三

境內而去廣二十里其戲馬于此。或未必。攷諸傳記。錄祖仁安為湖州長史。因家額未後借王南海者其孫也。今日越王云者豈追封向日表史之謂哉。又據韓昌黎遺秦濟以羊一。豕一。祭鱸魚。故老所傳亦其地。今圖祭鱸事於昌黎廟者乃金山後石龜頭之景物。其水心浮圖其寓之。其云既祭乃以浮圖鎮焉。及致金山後之壁記石龜頭乃刊於太平興國之八年。自周侯明辨始前此者。固山傍之壘石。其真地之可祭。况文公親排釋氏而効尤以稟浮圖。不待識者而後知其誣。若曰祭於走馬埭。而埭之形勢。若古所謂除壇者。其下即溪也。祭畢以羊豕投壘。或然哉。文公故迹。又有所謂天慶觀之木龜者。初黃冠棄除而火之。於烈始宅有物甚巨。獨不化。火燼取而視之。形則龜耳。以木為質。傳以泥來之。差重。夫雜於糞除而久不腐。固可異。已投諸烈火而不能焚。此何為者哉。斷泥而驗。下有刻字。其行二。一曰唐刺史韓愈塑。一曰刺史職方陳鑄鑿脩鑄之典州。實慶曆之三年。其去韓公幾三百載。而泥傳之質至鑄猶在。鑄之後。又至今尚存。豈昌黎遺物。獨有神物護哉。今好事者加以米繪。立於北方鎮天神之足。遺誠固在已。其它若潮陽之闕牛巖。故渴於水。因願師卜居而得泉。名曰大願泉。揭陽焦山之甘露寺。有雷霹石。廣不盈咫。雖側身不可入。中有刻字云。許道人二千年在山。有地曰陸。亦揭陽屬也。有一足跡甚巨。名曰大人跡。其一乃見於闕牛巖之側。與陸

永樂大典卷五三四三

四十七

內者一等。其相去六十有餘里。又有地曰火水湖。乃三十餘境所會之地。有石龍盤于水中。身足鱗甲。混然天成。長五丈餘。身首與瓜。猶世之所謂肉紅者。鬣乃赤色。今不計若干年。不少變。亦居揭陽界內。若夫故園經所載。西豐水穴中。錄觀之類。非今所見者。故略而不錄。木龜有堂。舊在天慶觀北極殿之左。近為道派竊取而去。今莫知所在矣。輿地紀勝。鄭令君讀書室。在西湖。直講盧公讀書室。乃盧公洞書室。韓木。園經云。作人於此。卜筮第之詳。其來之多。案。視其花之繁。稀有無亦知之。方輿勝覽。揭廷秀詩云。笑為先生一問天。身前身後兩盤看。亦前樹子闕何事。也。得入公賜姓韓。三陽志。韓木。即韓木也。

韓木





三陽圖志潮州府志書序 廢而有興夫而有復昔今理勢之必然也然必待其時與其人而後可以有為當可為之時而得能為之人興復之難實在於此乎。潮郡采曰三陽圖志圖則明而易見志則久而不忘郡之有此其來尚矣。自宋歷元其山川城郭風土人物與夫社稷學校錢糧戶口之類靡不具載而無遺其板藏於宣聖廟之萬教樓至正末燬于兵太平雖存已非完整。民間所藏全本僅有一二。仕于此者往往往索取而去其書由是而廢良可惜已。

皇明奄有四海文治頌興潮人版籍八年于茲廣東僉憲趙公建屋至郡以興學校詢土俗為先務召在洋諸生首問郡志知其廢失慨然以興復為公內事。令邑長鮑與俱旁求博採得其壞爛殘缺之餘以足成之。間有文義不屬與其冗官不稽者刪而去之。鈐梓以永其傳。昔後漢鍾離意發夫子甕得素書云後世修吾書董仲舒夫書之修其時與人亦皆素定。今郡志雖非孔氏通世之書而一旦獲遇僉憲公興其廢而復其失信非偶然。殆亦斯文之未喪歟。繼自今邦之人士與守觀風者得有所考夫豈小補之哉。洪武八年歲在乙卯十月二十三日三陽林仕猷序。

永樂大典卷千三百四十三

四十八

在甲令。凡諸州圖經十年一上之職方氏以備參考。是則圖經之設豈苟然哉。潮舊有圖經。兵火以來散逸殆盡。厥今所載不過叙其道理之遠近。縣鎮鄉里之若干。有司徒以為文具而已。至若州邑廢置之由戶版登耗之數風俗之所尚土地之所宜則漠然無所考。蓋一邦之闕典已。別潮在東廣號稱佳郡。名公鉅儒古今相望。流風遺跡猶有存者。慕而識之又焉可後。予郡事稍閒。因舉是以屬之教授王君中行。君一鄉之秀出者也。博識洽聞。多所採摭。於是以其平日之所得於聞見者。益加搜訪。細繹審訂。述成一書。其文典其實。其地形則繪以圖。使覽者一開卷而盡得之。予既鈐版郡齋。君謂不可以不序。予曰。夫書以紀事。事以傳信。自古文人紀事。多失之浮侈。相如賦上林。而引盧橘夏熟。揚雄賦甘泉。而陳玉樹青葱。班固賦西都。而數以出比目。張衡賦西京。而述以游海。若考之果木則生非其壤。按之神物則出非其所。論者多詆訐其侈言。惟杜子美問關秦蜀。夔峽湘潭間。凡所賦者皆其風土事實。如烏蠻白帝黃牛白馬。家家養烏。乃知子美之不虛。故人謂之詩史。傳以不朽。君世為潮人。事皆有攷。書成而邦人無異辭。予知是書可以傳信矣。淳熙二年七月既望。朝散郎權知

潮州軍州主管學事兼管內勸農事常律序。屬經有積非直為風土民物  
以。以縣有政績。故亦書之。特以示方來。庶如所嚮乎。昔昌黎文公僅中  
矣。而歸。置辦。士給。毒民。安其生。士習其教。卓然已有可紀。胡今之高。郡  
率。非。載。而。吏。則。若。利。若。害。苟。有。興。而。除。者。宜。優。為。之。至於。東。橋。之。中。間。尚  
州。而。境。而。城。之。內。旁。未。石。而。荒。與。無。貢。院。之。當。遺。水。軍。寨。之。當。復。丁。錢。之  
預。可。寬。賦。監。役。之。預。可。代。輸。凡。若。此。類。皆。能。一。一。次。第。而。為。之。繼。毋。使。漢  
昔。重。真。野。之。數。而。使。邦。人。蒙。宅。土。之。惠。所。有。大。書。屢。書。復。於。是。乎。續。又。安  
安。知。後。之。人。不。觀。其。所。積。且。更。相。繼。於。無。窮。耶。州。民。林。剛。中。敬。書。州。學  
學。錄。集。於。唐。史。從。事。即。折。福。州。開。清。縣。尉。地。稅。私。茶。鹽。禁。兼。推。剛。林  
剛。中。又。九。域。有。志。蓋。以。稽。風。土。之。燧。息。也。職。方。有。圖。蓋。以。便。民。物。之。登  
耗。也。郡。國。圖。志。作。於。前。者。既。有。一。定。不。刊。之。典。述。於。後。者。何。更。為。哉。然。而  
并。邑。之。有。遷。改。禮。文。之。有。損。益。戶。口。之。有。增。減。財。賦。之。有。盈。虛。若。非。陸。績  
而。秦。集。則。殆。將。何。所。考。證。宋。舊。制。十。年。方。一。條。上。意。有。沿。革。未。遽。登。載。姑  
少。述。之。以。俟。詳。備。庶。幾。仰。副。九重。之。披。覽。而。周。知。天下。之。版。籍。其。闕。繫。也  
甚。重。為。守。臣。者。宜。體。此。意。隨。時。編。次。靡。有。遺。缺。斯。可。傳。達。而。致。信。然。有。為  
則。會。文。書。所。寫。來。者。謂。非。急。務。悠悠。歲月。不。屑。經。意。板。之。朽。腐。字。之。糜。滅。

永樂大典卷五十三百四十三

四十九

幾成廢典。迨其當上之歲。臨期補緝。苟簡應需。特循故事而已。潮有圖經  
其來尚矣。昔昌黎文公將至韶石。貽詩於郡侯張端公曰。願借圖經。將入  
芥一逢佳處。便開看。則知諸郡圖經。庸已有之。蔡精舊序。具言一經兵火  
散逸殆盡。淳熙二載。常侯樟方舉而集之。繼閱二紀。趙侯師方又從而修  
之。歷年二十有五。孫侯叔。檄。事。錫。借。同。志。編。緝。校。定。僅。成。全。帙。以。歲。數  
計之。自淳熙乙未。至于紹定己丑。幾六十稔。更三十政。纂脩者僅三焉。端  
平改元之四月。郡侯葉觀。輟朝行而守茲土。蒞政以來。重士愛民。百廢具  
興。修學。增。康。余。石。梵。城。繕。治。典。梁。啟。闢。郡。治。置。立。坊。門。築。砌。促。崖。公。餘。閒  
暇。因。閱。圖。經。數。其。未。備。豈。前。是。數。政。屬。歲。事。荒。歉。隣。寇。搶。攘。拯。貸。民。饑。曾  
解。軍。餉。以。故。莫。遑。耶。今。茲。事。簡。年。豐。儻。不。捨。遺。補。闕。竊。恐。浸。久。易。廢。再。今  
奉。賜。與。唐。曾。林。剛。中。點。勘。編。修。續。而。新。之。於是。搜。訪。事。蹟。抽。繹。典故。可。刑  
則。刑。可。錄。則。錄。繁。然。靡。不。具。載。始。事。於。七。月。之。望。迄。成。於。閏。月。之。晦。若。夫  
先後。編。集。之。有。其。人。品。式。條。畫。之。有。其。目。前。序。以。歷。言。之。矣。然。以。事。有。因  
革。不。可。不。紀。其。顛。末。特。有。纂。修。不。可。不。記。其。歲。月。復。叙。梗。槩。論。諸。來。者。云  
端。平。二。年。八。月。朔。日。朝。奉。郎。主。管。製。慶。府。東。徽。宮。賜。緋。魚。袋。黃。夢。錫。謹。序。  
三。陽。志。州。縣。總。叙。潮州。於。禹。貢。為。揚。州。之。域。於。天。文。為。牽。牛。婺。女。之。分。

# 永樂大典

## 卷五三四三

秦定揚粵為南海郡東境。秦末為趙佗所據。漢初猶佗屬。方南粵未滅。已有揭陽之名矣。武帝建德後。南海郡乃以揭陽為屬縣。王莽時更為南海。世祖中興。名既復舊。不曰縣。特曰城。晉成帝時分南海之東官郡。安帝義熙五年分東官立義安郡。郡之名蓋始於此。宋齊因之。梁曰東陽州。後改為瀛州。陳廢州。隋平陳置湖州。煬帝大業三年罷州。復為義安郡。唐武德間。改郡為州。復為湖州。天寶元年為湖陽郡。乾元元年復為州。凡五易。然後州名以定。州自陳隋間南海為一都會。唐初置十五部。據江南道。開元二十一年置福建經略使。徙州據之。明年復據嶺南。天寶元年。又據福建。越九年乃據嶺南。迄今為。柳宗元作愚溪對元和間也。州已嶺南屬。愚溪州所有也。宗元乃曰。閩有水曰愚溪。杜佑作通典亦曰古閩越地。則未可以嶺外視之。州所嶺縣在義熙間。有海陽。後秦海寧。湖陽。義昭等五縣。至大業間。綏安。義昭已廢矣。乃有程鄉。萬川二縣。合為五水。徵初省湖陽縣。先天初復置。乾元間乃罷。其餘獨有海陽。湖陽。程鄉三縣。偽漢劉錡時。劉程鄉。程鄉。置敬州。宋開寶四年改為梅州。熙寧六年廢梅州。以程鄉。程鄉。湖。元豐復梅州。以程鄉。歸馬。至紹興六年。猶熙寧之制。九年復元豐之制。湖止二縣也。乃置揭陽縣。初創于劉黃村。數年不果立。至紹興十一年。移立于玉窖村。或者有三陽之稱。唐韓愈刺潮之日。又嘗建為揭陽樓。而故園。經以為今之韓亭。即其地。是必有揭者。而揭一字。其見於漢書地理志者。韋昭以為其逝反。顏師古正之曰。音竭。至南粵王趙佗傳載揭陽令史事。蘇林又以為音竭。顏師古不復正之。今惟蘇林是從。若夫趙佗自秦末據有粵地。傳嗣五世。至武帝元狩五年始滅。而漢初高武乃以長沙。豫章。桂陽。南海。立番君為長沙王。若南海於長沙為郡。則揭陽亦將長沙屬矣。豈當時之意。豈亦適以南海為番君付哉。

永樂大典卷之五千三百四十三



# 永樂大典

## 卷五三四五

重錄總校官侍郎 高 林

學士 瞿 榮 澤

分校官洗馬 臣 林 樞

寫書官主簿 臣 沈 濱

圖點監生 臣 馬 承 志

臣 吳 敏

